

Hlakola 2002

VOLUME 02 ISSUE NO 1

M3.00

MARA

HA A SE NA LIHLOELA A OELA

**Operation
Qeto/Sardien e
pshatla libetsa**


**Boipabolo le sebete
sa ngoanana oa
lesole**

**Morena oa Ha
Rantuba o lla
sa 'mokotsane**

**Colonel 'Jomo'
o hlalefela setloli
sa molao se kotsi**

**Molaetsa oa
Mookameli oa
Sesole...**

**Liponono
tsa Mara**



Bahlophisi

Mohlophisi

WOII Ntele Emmanuel Masoetsa

Motlatsi oa Mohlophisi

Pte Ntlele Ntoi

Baqolotsi

Pte Thabiso Edgar Rajane

Pte Sakeng Lekola

Pte Tankiso Nkoho

Mohokahanyi Tlhophisong

Pte Matheanzima Taneso

Litšoantšo

LDF Photography Section

Boelets

Dr Lebohang Lejakane

LL Productions Media

Consultancy (Pty) Ltd

P O Box 9561

Maseru. 100

Tel: (09266) 335949

Marketing and Advertising

MARA

P. O. Box 1346

Maseru 100

Lesotho

Tel: (09266) 32 5294

Fax: (09266) 310351

KAPA

Nyatso Tšoeunyane

(09266) 32 5294

Cover Concept

LL Productions Media

Consultancy (Pty) Ltd

E tekuae ke ba

Lesotho Business Services


Development House,

Kingsway, Maseru

Tel: (09266) 323963/4/7

Fax: (09266) 310081

E-Mail: lbs@quadrant.co.ls



Tse tloaelehileng

Bohlophisi	Leq 3
Tsa bolumeli Sesoleng sa Lesotho	Leq 3
Liponono tsa <i>MARA</i>	Leq 4
Col 'Jomo' o hlalefela setloli sa molao se kotsi	Leq 15
Litšoantšo tsa liketsahalo	Leq 18-19
Boipabolo ba ngoanana ea sebete oa lesole papaling ea Taekwondo	Leq 24

Litaba ka botebo

LDF e hapa maikutlo a Basotho	Leq 5
Operation Qeto/Sardien e pshatla libetsa.	Leq 7
Molaetsa oa Mookameli oa Sesole sa Lesotho oa 2002	Leq 10
Hloahloa e Afrika e boroa e tobane le mathata a bophelo	Leq 11
Morena oa Ha Rantuba o lla sa 'mokotsane	Leq 13
Lebotho le Ikhethang la Sesole sa Lesotho le pepesa bokhoni ba lona	Leq 22
Masole a poloko ea khotso Tanzania	Leq 37

Sekhutloana sa tsa Bophelo

Lefu la HIV/AIDS le hloa mekoalaba Lesotho	Leq 26
Gout	Leq 27

Lipapatso

Leq 33-34

Litaba tsa basali

Khoeli ea Lerato.	Leq 35
-------------------	--------

Likhutloana

Ke li bona tjena	Leq 28
Ka leihlo le nchocho: kokobetsa letsoalo la sechaba malebana le sesole sa Lesotho.	Leq 29

Lipapali

LDF Lipapaling tsa bompoli ba Afrika	Leq 38-39
--------------------------------------	-----------

Tsa bohlophisi

Ka la mashome a mararo a motso o mong selemo sa likete tse peli (31 Tsi'toe 2001) le ile la ts'oauoa ka mohoanto oa selemo a (kilometre) likolomethara tse leshome ke sesole sa Lesotho (LDF) ka tatellano ho tloha motebong oa sesole oa Makoanyane ho ea Ha Ratjomose.

Ketsahalo ena ke e bohlokoa haholo joaloka ha Ramabotho a e sebelisitse ho shapa mabotho ka leleme le ho sesefa ts'ebetso ea sesole. Ts'esehong, Ramabotho ha a ka siea lentsoe le ha le leng ha a manolla likatleho tsa sesole le litsito tsa teng.

Mohoanto ona o ne o ts'olohela ke lets'oele le lengata haholo la sechaba sa Basotho e leng e ngoe ea linthla tse bohlokoa haholo ka lehlakoreng la Ramabotho ea bonahetseng a itlame me a tsitlalletse ho bonts'a ponaletso ka hara mabotho.

Re lakatsa ho leboha le ho ts'ehetsa Ramabotho ka ho etella pele ka mohlala 'me re ts'epa hore ka tatellano ea maemo mohoanto ona o nepahetseng ebile o aha o tla leka hore ho etsoe hantle ho feta pele. Tse ling tsa likatleho tse Ramabotho a li supileng ka thabo a khaphatschang li kenyeletsa thomeho ea leboho le ikhethileng la LDF, le laboratori ea likhomphutha motebong oa sesole Makoanyane.

Ha a hopotsa mabotho ka boikarabello, Ramabotho a toboketsa hape hore masole ohle ho hlokahala hore a tsoe leroleng la lipolotiki me a its'oare hantle hona ho bohlokoa haholo me ke leseli la likhetho tse akasetsana tse tlang.

Boits'oaro bo joalo karolong ea sesole bo tla ba le seabo sa likhetho tse lokolohileng, tse nang le khotso le poneletso. Re ts'pa hore 'moko taba oa puo ea Ramabotho eo haholo ba eona e nang its'etlehlile ka boits'oaro bots'ephehi ponaletso le cheseho ea mosebetsi e tla lateloa ke bohle ba amehang. ■

Tsa bolumeli



Lt Col
Thabo V Mohapi

Ha re kena selemong sena se secha, ha re keneng ka boit'sepo, sebete le

mekhoa ea boit'soaro e fetohileng. Ho batho ba bang se ka bont'sa phetoho, se ka bont'sa phetoho maemong a itseng kapa liketsahalong, phetoho mekhoeng ea bophelo kapa phetoho ho isa molemong,

ka mohlomong ho isa bobeng.

Hore na selemo sena se re t'soaretse eng, ke Molimo feela, 'Mopi oa rona ea tsebang. Leha hole joalo, ntho ele 'ngoe eo ke e tsebang ke hore; ha linako li ntse li fetoha, le batho baa fetoha. Empa ho salang ho phela ke hore **Molimo o keke oa fetoha.**

Ha re baleng lentsoe la Molimo bukeng ea Jakobo – 4:10: E baleha joana: **"Ikokobetseng pe'la Morena, 'me o tla le phahamisa"**.

Mohloli-thero: Boloka boikhabo/boikhohomoso ba hau tlasa taolo ea hau.

Ke batho ba fokolang ba eelloang ka moo boikhabo bo ka senyang ka teng. Bo ka u hlokisa thabo, ba senya likamano tsa botho, ba ba u sitisa ho atleha kapa hona ho tsoela-pele mosebetsing oa hau. Ha boikhabo bo sa laoloe bo ka fihla moo bo sisinyang metheo ea bophelo 'me ba hlokofofatsa bophelo ba hao hampe, 'moho le maphelo a baphelisuo a ba hao kapa batho bao o phelang le bona.

Ke ha kae ho hloka kutloisisano linthong tse fokolang ho eeng ho bake liqabang hobane feela batho ba tletsoe ke boikhabo kapa boikhohomoso bo ba sitisang ho nka mohato oa pele oa ho atamela ba bang ho theha poelano? Ke ha kae malapa a eeng a hlokofofatsa bophelo bo hlomphehang hobane feela batho ba babeli ka tlung ba lumelletse boikhohomoso ho ba sitisa hore e mong a ikokobetse tlaas'a e mong? Ke hangata ha kae mehopolo, merero le litoro li pshatlehang hobane feela motho e mong a tletsoe ke boikhabo kapa boikhohomoso ho ka atamela baokameli ba hae ho kopa boeletsi kapa thuso?

Se ke oa soaba kapa hona ho ba lihlong ho kopa hobane Molimo o itse "Ke tla neha ea kopang ..." 'Me tsa boikhabo ba hau bokoilitana ha ho hlokahala. Lumella Moea o Halalelang ho kena pelong ea hau le ho u fa matla a ho "ikokobetsa pe'la Morena, 'me O tla u phahamisa". Joaloka bakreste le balateli ba Krete, ke boikarabello ba rona ho bont'sa le ho t'soana le Krete maphelong a rona.

A re kopeng Morena Molimo hore thusa ho roba mahlaahlela a boikhabo le boikhohomoso, 'me re ts'oaneng le Jesu Krete. Morena Jesu o bonts'itse boikokobetso ba 'nete ha a ne a le lefaats'eng mona. Uena u ka hloloe ke'ng? Amen.

**MORENA MOLIMO A U
HLOHONOLOFATSE.** ■

Liponono tsa **MARA**



Keneuoe Mahlehla,
oa Seapala,
Quthing.
O rata ho
bapala bolo
ea matsoho
(netball)



Qenehelo Makhalemele
ea lilemo tse 14. O
kena sekolo Leribe
English Medium
High School. O
shebella litšoantšo,
ho mamela 'mino
le ho ba le
metsoalle, o rata
ho ithutela
bobuelli ba molao.

HA EBA U KA THABELA HO KENELA TLHOLISANO ENA, ROMELA SETŠOANTŠO SA HAU HO MOHLOPHISI OA MARA. P.O. BOX 1346, MASERU 100, LESOTHO
MOHLOMONG U KA BA MOHLOLI!

LDF e hapa maikutlo a Basotho



ka
Pte Ntsele Ntoi

Ene e le hoseng ha mara a sesole sa Lesotho a khobokana mane lihahelong tsa sesole tse Makoanyane ka bochabela ho motse-moholo Maseru ho itokisetsa mohoanto oa likilometara

tse ka bang leshome (10Km). Ho ne ho e-s' o ka ho e-ba le ho khobokana ho hoholo ha kaalo esale ho tloha ka let'solo la ho phahla libetsa le liphoofole le ileng la tuma ka 'Operation Clean Sweep'.

Ha le phahama molaoli oa let'solo leo, Lieutenant Colonel Mokete Kotelo o ile a manolla sepheo sa let'solo ka hore, "let'solo leo re leng makhatheng a ho le simolla le reretsoe hore re iponahatse sechabeng e le hona ho se fa tiisetso ea hore re ntse re le teng ho se sireletsa ka mehla, 'me le rona ka tsela e t'soanang re tla tsoha molota ke hona", Lt Col Kotelo a rialo ha a bua le mpho eo ea banna le basali ba masole a makholo a robeli ba neng ba le makhatheng a ho simolla ka mohoanto oo oa ho tloha Makoanyane ho ea ntlo-khoho ea sesole Ha Ratjomose har'a letsatsi la letetere.

Hang ha e ota hora ea bosupa Lt Col Kotelo o ile a laela hore mohoanto o simolle. Sepolesa sa sesole (MP) hammoho le lipalami tsa lithuthuthu ba ile ba etella mabotho pele. Moea o pholileng oa hoseng, ho tilinya hoa meropa, liphala le liqi tsa banna le basali bao ba masole li ne li fa mang le mang morolo oa ho hatela pele leha ho ne ho ka ba boima joang le joang.

E ile ea e-ba ntho e thabisang ruri ha baahi ba mathoko a motse-moholo Maseru ba nt'soa matlung ke molumo oa sefela se ratoang haholo, Sefefo se neng se bapaloa ke sehlopha sa liphala sa sesole sa Lesotho. Bathoholetsi ba makholo-khoho ba ile ba t'solohela 'mileng ho ea tsota botle boo bo bokaalo. Ba bang ba bona haholo-holo bana ba ile ba titimela har'a litlatse le mehoo eo ea thabo. Lipalo tsa ba titimelang li ile tsa 'na tsa phahama ha mpho eo ea sesole e ntse e haola joalo le mebila ea motse-moholo

Maseru.

Ha ba fihla mateanong a tsela e khoho e eang boroa le ea Thaba-bosiu mane Ha Mot'soeneng sephethe-phethe se ile sa ema ho se ho kae. Bakhanni ba

ba masole kaofela. Leha ho le joalo re ba lakaletsa mahlohonolo, 'me re a t'sepa hore ba tla thusa ho tlisa polokeho le botsitso e le hore re de re fihlele khoho ea moruo moo Mosotho e mong le e mong a tla ba



"Re khutlisetsa t'sepo ea sechaba", Liletsi tsa liphala tsa sesole sa lesotho li eteletse pele mohoanto oa sesole sa Lesotho ka la 31. T'sitoe 01, ho tloha motebong oa sesole Makoanyane ho ea Ha Ratjomose leetong la 10km. Setsoantšo ka:- Pte M Maputla

letsa liphala ho thoholetsa mabotho. MP e ile ea sebetsa ka matla ho etsa bonnete ba hore ha ho t'sitiso e isang kae sephethe-phetheng se phallang 'mileng oo.

Ke hona moo Ha Mot'soeneng moo ke ileng ka re ptjang-ptjang le 'M'e 'Matefelo Makoae ea neng a le motlotlo haholo ka sesole sa habo hoo a bileng a hlaba molilietsane ha a ba bona ba e-tla ba hatela holimo. "Ena ke ntho e ntle ka mokho'a o makatsang", ke 'M'e 'Matefelo eo a bile a eketsa ka hore, "Ke na le t'sepo e tiileng ea hore sena se tla etsa hore sechaba se boele se rate sesole sa habo sona. Ke ba lakalaletsa katleho t'sebetsong ea bona le mahlohonolo a selemo se secha".

Likilomitara tse 'ne ho tloha moo ke ile ka boela ka teana le mohlanka ea sehlahlo oa Puso ea Mahae, Monghali Victor Shale. "Ho'a khotatsa ruri ho bona sesole sa habo rona ka lipalo tse kaana har'a sechaba. Re motlotlo ka bona, re mpa re sitoa feela hore re ka

le monyetla oa ho fumana mosebetsi. Ke ba lakaletsa katleho le selemo se secha se tletseng mahlohonolo", ke Monghali Shale.

Ha e le metsotso e leshome pele ho hora ea borobeli lebotho le li hulang nthau le helehela selikoalikoeng sa Thabong, ba tlang ka morao ea be e le hona ba fetang Lekhaloaneng koana. Ka motsotso oo mocheso le 'ona o ne o se o phahame haholo hoo bohle ba neng ba kheletsetse likhororo tsa mofufutso.

Sebaka sa likilometara li se kae ho tloha moo ke ile ka khahlana le mong oa bahoebi, monghali Anil Narayanan oa Dynamic Supermarket Maseru. Monghali Narayanan o ne a le motlotlo ho bona masole tseleng moo ka bongata bo bokaalo, "Rea t'sepa sesole ka tlatsetso ea mafapha a mang a t'sireletso se tla thusa hore ho be le maemo a tsitsitseng bakeng

sheba qhephe la 6

LDF e hapa maikutlo...

li tsoa qhepheng la 5

sa khoebo e atlehileng”, ke eena eo.

Lt Col Kotelo o ile a etsa qeto ea ho koekoetla t’subuhlellano ea sephethe-phethe khubung ea motse-moholo Maseru, ‘me ka hona a laola mabotho ho iphaphatha ka ‘mila oa Mpilo Boulevard o mathang mosikong oa leralla le okametseng Maseru. Ha re feta holimo moo ra ka ra lahlela mahlo ho boha botle bo hlolang ba motse-moholo lihoreng tsa hoseng – moo e ne e le lehlana-hlana la motima-hlaha; barekisi ba literateng ba ne ba hloma maphet’soana a bona, ho simolloa ka t’sebetso likhoebong tse kholo, ‘me makoloi a baeti le a thepa a e-ea holimo le tlaase ho sa qellanoe.

Ha metsotso e le leshome ka mora’o ho



Mona ke karolo e ‘ngoe ea masole a Lesotho ha e ne e hoanta ho tloha motebong oa sesole Makoanyane ho ea Ha Ratjomose ka la 31 T’sitoe 2001. Setšoantšo ka:- Pte T. Kharafu

hora ea borobeli mpho eo ea sesole sa Lesotho e ne e feta mateanong a ‘mila oa Mpilo le selikalikoe se seholo sa sephethe-phethe. Ke moo e itseng ha barekisi bao ba literateng ba bona seroala-nkhoana se ntse se likoloha ka holim’a mabotho, ba bang ba bona ba ile ba nyahlatsa tsohle ba le tipatipa ho ea thoholetsa ba mohoantong.

E boetse ke ka nako eona eo seroala-nkhoana seo se ileng sa fofela tlaase, ‘me sa fihla sa ‘na sa phuphusela ka holim’a lihlooho tsa bona hoo bohle ba ileng ba

thabela ho ka pholisoa ke moea oo se neng se o fehla ka mapheo a sona. Mehato e ka ka makholo a mabeli ho tloha moo mateanong a litsela sepeteleng sa Mofumahali Elizabeth II bakuli ba ile ba phahama liphateng ha sehlopha sa liletsi se bapala ‘Morena boloka sechaba sa heso’. Ba bang ba bona ba bile ba hloelisa ka liferoana hore ba hle ba ikholise hore ha ba lore.

Ka nako eo ba neng ba nka mothinya oa ho qetela o lebisang moo ba habileng teng – ntlo-khoho ea sesole e Ha Ratjomose e ne e se e le bohole bo ka bang likilomitara tse tharo, boralit’soant’so ba ile ba hloella ka holimo ho borokho bo haufi le moaho oa Options ho ipeha sebakeng seo ba ka khonang ho nka lit’soant’so tse ntle. “Banna, eka le ‘na nkabe ke tiile le senka-

o Ha Ratjomose.

Ba sepolesa sa sesole ba ile ba batla ba lahleleho ke taolo ea ho laola sephethe-phethe nakong eo bathoholetsi ba neng ba e-tsoa ka likhoroana tsohle tsa motse-moholo – Ha Leqele, Lithabaneng, Ha Thamae, Qoaling, Tsautse le libakeng tse ling ba ne ba kopana le ba neng ba e-tsoa Central Prison, Thetsane le Ha Ratjomose.

Mane Ha Ratjomose bohle ba ile ba fuoa kamohelo e mofuthu ke balaoli ba sesole sa Lesotho. Ba lefapha la phepo la sesole sa Lesotho ba ile ba phomotsa bohle ba neng ba ile ba sala mabotho mora’o ka tse eang ka maleng. “Re ne re sa itokisetsa ho amohela let’soelehali le lekaana la batho. Empa re thabela ho arolelana se senenyane seo re nang le sona hammoho le bona. Ke batho ba bont’sitseng lerato le tebileng ho rona bana, rea ba amohela”, ho rialo molaoli oa lefapha la phepo, Major Mabaleha.

Molaoli oa let’solo leo la ho haola le mebila ea motse-moholo, Lt Col Kotelo o ne a thabile e le ka ‘nete. “T’sebetso ebile e tsoileng matsoho”, ke eena eo a bile a eketsa ka hore, “Haele ntlheng ea hore na re fela re fihlelletse sepheo sa rona kapa che, seo se tla bonahala ha mora’o etsoe le batho bana ba re phalletseng ba sa tla ea hasanya molaetsa oa khotso le botsitso tseo re le bolaoli ba sesole sa Lesotho re li tsetselelang”.

Lieutenant Selala Lerotholi oa sepolesa sa sesole le eena o ne a le motlotlo ha tsohle li ile tsa tsamaea hantle ho se bothata boo lefapha la habo le ileng la thulana le bona taolong ea sephethe-phethe. “Selemong sena ho fapana le se fetileng ha ho na litlaleho tsa likotsi kapa lit’sitiso tsa letho methating eohle ea t’sebetso ea lefapha la heso. Ke leboha basebelisi bohle ba tsela ka t’sebelisano ‘moho eo ba bileng le eona ho fihlela mona”, ke Lt Lerotholi eo.

Ha a ne a bua le mabotho, molaoli

Operation Qeto/Sardien e pshatla libetsa.



Ka WO II
Ntele Masoetsa

Ene e le lehlana-hlana la motima' hlahla! Banna le basali ba apereng seaparo se maroboko ba ea holimo le tlaase, ho sa qellano! Lipula

tsa hlabula tsa matlopo-tlopo li e na letloro-tloro li sa khaotse, seaparo sa bona se le metsi te!. Oa ho reng motho a re lipula tseo li khutlisetsa mehopolo ea hae mehleng ea moroallo oa metsi, ruri motho o ne o ka tsota!

Tsena tsohle li etsahala motebong oa sesole sa Lesotho oa Makoanyane, ka bochabela ho motse-moholo Maseru, moo masole a Lesotho a neng a kene ts'ebetsong e matla, empa he, e le ts'ebetso e ngoe ea bohlokoa nalaneng ea sesole sa naha, 'me ts'ebetso e ne e le

ho bokella le ho hlahlobisa lithunya tseo li neng li lokela ho senngoa.

“Re hlopha lithunya tsena ka

thlathlamano ea nomoro ea tsona e le ho lokisetsa hore li ilo' senngoa, esere mohlaope tsa qetella li le matsohong a



Mona ke karoloana feela ea lithunya tse neng li ilo senngoa Benoni, Afrika Boroa nakong ea operation Qeto/Sardien ka Pulungoana selemong se fetileng. Setšoantšo ka:- Pte M Mashili

LDF e hapa maikutlo...

li tsoa qhepheng la 6

oa sesole sa Lesotho Lt Gen Makhula Mosakeng o ile a bolela hore lekhetlong le tlang ha ho tsoiloe let'solo la mofuta oo “monna ka mong o tla be a feletse ka thepa ea hae. Re khotsofetse hore joale nako e fihlile eo le ka nkang boikarabello ba ho t'soara thepa eo ea t'sebetso ka hloko”, ke molaoli oa mabotho eo ha a ba loma tsebe.

Lt Gen Mosakeng o ile a tsoelapele ho hlalosa hore khatelopele e fihletsoeng ke lefapha la t'sireletso e fihletsoe ka lebaka la boikitlahetso le boinehelo bo bont'sitsoeng ke bohle ba amehang. O ile a leboha sehlopha sa bakoetlisi ba sesole sa India ka ho thusa ho tliša liphetoho tse seng li behile sesole sa Lesotho mocheng oa boiphihlelo boo bohle ba bo tsetselelang. Thoholetso e ile ea lebisoa ho ba botsamaising le basebeletsing ba sepetele sa sesole se Makoanyane ka ho loana ea khumamela ho hlophisa lithupelo tsa tlhahiso leseling ka lefu la HIV/AIDS e leng se ileng sa thusa ho fokotsa palo ea mafu a

amanang le t'soatso ea lefu leo ka har'a litho tsa mabotho a hlometseng le mafapha a mang a t'sireletso.

Ho thakholoa hoa Mara e bile mohato o mong o ileng oa fuoa thoholetso e kholo ke molaoli oa sesole, 'me ka hona a lebisa liteboho tse khethihileng ho Dr Lebohlang Lejakane oa LL Productions Media Consultancy (Pty) Ltd ka t'sebetso le botataisi boo a bileng le bona hore e be ke mona leselinyana lena la litaba tsa sesole le ile la atleha ho thakholoa.

Ha le le lihloohong tsa mengala bohle ba ile ba laoloa ho ea ka makhoro. Liteboho tse khethihileng ho molaoli oa lefapha la lipalangoang, Major Moeketsi Hlophe ea ileng a ba pelotlhomohi ho laela hore bana le batho bohle ba neng ba ile ba sala mabotho a hlometseng mora'o ba felehetsoe ka makoloi ho ea libakeng tseo ba neng ba tloha ho tsona ka ho fapana.

fosahetseng, ekasita le ho li tlosa polokelong ele hobane li se li sa sebetse mosebetsi oa tsona oa ts'ireletso,” ho rialo Ofisiri e okametseng polokelo ea lithunya sesoleng sa Lesotho, Major Ts'epo Mokuena.

Major Mokuena o boletse hore Mokhatlo oa Machaba a Kopaneng (United Nations), o ile oa eelloa hore lithunya le thepa eohle ea ntoa lefaats'eng e seng molaong le e ka bonahalang e le ngata haholo hofeta tekanyo, eleng eona e atisang ho fella matsohong a fosahetseng, 'me e hlokise linaha botsitso le khotso hore e lokela ho senngoa.

Major Mokuena o boletse hore oona Mokhatlo oa Machaba o ile oa eletsa le ho abela

sheba qhephe la 8

Operation Qeto/Sardien e pshatla libetsa.



Ka WO II
Ntele Masoetsa

Ene e le lehlana-hlana la motima' hlahal! Banna le basali ba apereng seaparo se maroboko ba ea holimo le tlaase, ho sa qellano! Lipula

tsa hlabula tsa matlopo-tlopo li e na letloro-tloro li sa khaotse, seaparo sa bona se le metsi te!. Oa ho reng motho a re lipula tseo li khutlisetsa mehopolo ea hae mehleng ea moroallo oa metsi, ruri motho o ne o ka tsota!

Tsena tsohle li etsahala motebong oa sesole sa Lesotho oa Makoanyane, ka bochabela ho motse-moholo Maseru, moo masole a Lesotho a neng a kene ts'ebetsong e matla, empa he, e le ts'ebetso e ngoe ea bohlokoa nalaneng ea sesole sa naha, 'me ts'ebetso e ne e le

ho bokella le ho hlahlobisa lithunya tseo li neng li lokela ho senngoa.

“Re hlopha lithunya tsena ka

thlathlamano ea nomoro ea tsona e le ho lokisetsa hore li ilo' senngoa, esere mohlaope tsa qetella li le matsohong a



Mona ke karoloana feela ea lithunya tse neng li ilo senngoa Benoni, Afrika Boroa nakong ea operation Qeto/Sardien ka Pulungoana selemong se fetileng. Setšoantšo ka:- Pte M Mashili

LDF e hapa maikutlo...

li tsoa qhepheng la 6

oa sesole sa Lesotho Lt Gen Makhula Mosakeng o ile a bolela hore lekhetlong le tlang ha ho tsoiloe let'solo la mofuta oo “monna ka mong o tla be a feletse ka thepa ea hae. Re khotsofetse hore joale nako e fihlile eo le ka nkang boikarabello ba ho t'soara thepa eo ea t'sebetso ka hloko”, ke molaoli oa mabotho eo ha a ba loma tsebe.

Lt Gen Mosakeng o ile a tsoelapele ho hlalosa hore khatelopele e fihletsoeng ke lefapha la t'sireletso e fihletsoe ka lebaka la boikitlahetso le boinehelo bo bont'sitsoeng ke bohle ba amehang. O ile a leboha sehlopha sa bakoetlisi ba sesole sa India ka ho thusa ho tliša liphetoho tse seng li behile sesole sa Lesotho mocheng oa boiphihlelo boo bohle ba bo tsetselelang. Thoholetso e ile ea lebisoa ho ba botsamaising le basebeletsing ba sepetele sa sesole se Makoanyane ka ho loana ea khumamela ho hlophisa lithupelo tsa tlhahiso leseling ka lefu la HIV/AIDS e leng se ileng sa thusa ho fokotsa palo ea mafu a

amanang le t'soatso ea lefu leo ka har'a litho tsa mabotho a hlometseng le mafapha a mang a t'sireletso.

Ho thakholoa hoa Mara e bile mohato o mong o ileng oa fuoa thoholetso e kholo ke molaoli oa sesole, 'me ka hona a lebisa liteboho tse khetheleng ho Dr Lebohlang Lejakane oa LL Productions Media Consultancy (Pty) Ltd ka t'sebetso le botataisi boo a bileng le bona hore e be ke mona leselinyana lena la litaba tsa sesole le ile la atleha ho thakholoa.

Ha le le lihloohong tsa mengala bohle ba ile ba laoloa ho ea ka makhoro. Liteboho tse khetheleng ho molaoli oa lefapha la lipalangoang, Major Moeketsi Hlophe ea ileng a ba pelotlhomohi ho laela hore bana le batho bohle ba neng ba ile ba sala mabotho a hlometseng mora'o ba felehetsoe ka makoloi ho ea libakeng tseo ba neng ba tloha ho tsona ka ho fapana.

fosahetseng, ekasita le ho li tlosa polokelong ele hobane li se li sa sebetse mosebetsi oa tsona oa ts'ireletso,” ho rialo Ofisiri e okametseng polokelo ea lithunya sesoleng sa Lesotho, Major Ts'epo Mokuena.

Major Mokuena o boletse hore Mokhatlo oa Machaba a Kopaneng (United Nations), o ile oa eelloa hore lithunya le thepa eohle ea ntoa lefaats'eng e seng molaong le e ka bonahalang e le ngata haholo hofeta tekanyo, eleng eona e atisang ho fella matsohong a fosahetseng, 'me e hlokise linaha botsitso le khotso hore e lokela ho senngoa.

Major Mokuena o boletse hore oona Mokhatlo oa Machaba o ile oa eletsa le ho abela

sheba qhephe la 8

Operation Qeto/Sardien...

li tsoa qhepheng la 7

boikarabelo ho 'muso oa Amerika ho ts'ehetsa leano leo ka lichelete le ka litsela tsohle tse ka khonahalang hore thepa e joalo e senngoe," Ke ka hona 'muso oa Amerika o ileng oa amohela keletso eo 'me oa abela mebuso ea Lesotho le Afrika Boroa lidolara tsa Amerika tse likete tse leshome le metso e mehlano (US\$15,000-00) ho phetha ts'ebetso eo ea bohlokoa.

O boletse hore ts'ebetso ea ts'enyone e ile ea ts'ohloa ke mebuso ea Lesotho le Afrika Boroa ketelong ea President Thabo Mbeki oa Afrika Boroa naheng ea Lesotho ka "Mesa selemong se fetileng, moo Monghali Mbeki a neng a bonts'e hore ha a bone kamoo naha ea habo e ke keng ea thusa Lesotho tabeng eo.



Ke oona masalla a libetsa tse 3,843 kamor'a ho siloa ka mochini oa t'sepe.

Second Lieutenant Justice Lehana oa polokelo ea lithunya ea sesole sa Lesotho, o boletse hore ho ile hoa thehoa moifo o kopanetsoeng ke sesole sa Lesotho le sa Afrika Boroa ho etsa meralo ea tse'betso ea tokisetso ea ts'enyone eo, 'me tse'ebetso ea rehoa Operation



Moemeli oa Lesotho Afrika Boroa, Monghali Mosuo Moteane e ne e le moeti oa bohlokoa ebile ele mohlomphehi oa pele oa ho akhela sethunya sa pele mochining o silang t'sepe, Benoni Afrika Boroa.

Qeto/Sardien ea Lesotho le Afrika Boroa ka tatellano. O boletse hore Afrika Boroa e ile ea abeloa ho etsa lithlophiso tsa moo thepa e ka senngoang teng naheng ea habo eona.

Ofisiri ea Lefapha la Molao la sesole

o ile oa fihla Lesotho ka la 26 Mphalane 2001, "Ts'ebetso ea thlophiso ea qala ka la 27 ho isa la 31 Mphalane motebong oa sesole o Makoanyane, ha tse'nyo eona e bile ka la 16 Pulungoana selemong se fetileng ho na Afrika Boroa," ke ramelao oa sesole sa Lesotho eo.

Ea neng a ikarabella ts'ireletsong ea thepa oa sesole sa Afrika Boroa ebile e le mohokahanyi oa ts'ireletso, Major Rudi Erasmus, o boletse hore ba tllile Lesotho ho tla ts'ehetsa le ho fana ka malebela tse'bitsong e joalo kaha ba se ba na le boiphihleo haholo tabeng e joalo, 'me a bolella hore ts'ebetso ka kakaretso e ile ea tsamaea hantle haholo. Major Erasmus o ile a re ba ile ba amoheloa ka mofuthu 'me taba eo ea bebofatsa tse'betso haholo.

sa Lesotho, Captain Khomo Mohobo o boletse hore litokiso li ile tsa tsoelapele, 'me a tsebisoa hore konteraka ea bitsoang Metalfrag e Benoni, Afrika Boroa e silang ts'epe hore e tla nka tsebetso eo. Captain Mohobo o boletse hore moifo oa sesole sa Afrika Boroa o neng o eteletsoe pele ke Colonel Jan Theron

Ofisiri e ka sehlohong ea sesole sa Lesotho, e neng e ikarabella ka kotloloho le ho okamela tse'betso eo kaofela, Colonel Ambrose Mahao Mofolisa, o boletse hore kamor'ao hore lithunya li hlahlobisisoe, li ne li tlangoa ka sehlopha se le seng sa palo ea

Operation Qeto/Sardien...

li tsoa qhepheng la 8

leshome ebe li kenngoa koloing e neng e hiretsoe ho isa thepa eo Metalfrag, Benoni, Afrika Boroa.

Colonel Mofolisa o boletse hore ts'ebetso e ne e le boima haholo, ebile e qosa banna le basali ba masole ho sebetsa lihora tse telele haholo, 'me a bonts'a hore ba ile ba sebetsa ka boitelo le mamello e kholo

Colonel Mofolisa o boletse lithunya tse ileng tsa senngoa li akareletsa li AK47, li-Gallil, li mortar le lithunya tse ling tse nyenyane tse akhang li 9mm, 7.65mm, .38mm, li .22mm ekasita le lithunya tse ling tsa maiketsetso. A qetella ka hore lithunya kaofela li ne li le 3,843 'me li le boima ba 10800kg e entseng litone tse 10.8, 'me 'muso oa Lesotho o tla fumana mats'elisonyana a M140-00 tone ka ngoe.

Ea neng a eteletse pele moifo o neng o tloha Lesotho mohla letsatsi la ts'eny, Ramabotho, Brigadier Kholikane Phillip Sebjoe o boletse hore o motlotlo ke kamoo Afrika Boroa e ileng ea tse'chetsa Lesotho tse'ebetsong eo ea bohlokoa, 'me a bonts'a hore ts'ebetso eo e bile ea tiisa likamano tse mofuthu lipakeng tsa mebuso ea Afrika Boroa le Lesotho ekasita le ho mabotho a lihana tseo tse peli, "Ts'eny ea libetsa e boetse e behile ts'ireletso e phethahetse tikolohong ena e boroa ho Afrika," ke Brigadier Sebjoe ha a theta puo ea hae.

Ha a bua lebitsong la 'muso oa Lesotho, Moemeli oa Lesotho Afrika Boroa, Monghali Mosuo Moteane, o boletse hore so senngoa hoa libetsa, ho entsoe tumellanong tsa Mokhatlo oa Machaba (UN) le Mokhatlo oa Linaha Tsa Afrika (OAU) mabapi le ho loants'a keketseho ea libetsa.

Monghali Moteane o ile a leboha 'muso oa Afrika Boroa tl'asa lepheo la linaha tsa ntlafatso oa moruo tikolohong e

boroa ho Afrika (SADC) o ileng oa khutlisetsa khotso, ts'ireletso le puso ea sechaba ka sechaba ha Lesotho le ne le le maqakabetsing.

mosebetsi o sa le mongata haholo, ruri litlolo tsa molao li theohile haholo," a rialo Snr Ins Thamae.



Colonel AM Mofolisa eo a neng a eteletse pele moifo oa sesole sa Lesotho ho ea chesa libetsa tse sa sebetseng o bonoa a hlakisetsa Brig Gen MP Sondagh oa sesole sa Afrika Boroa ka morao ho senngoa hoa libetsa, Benoni, Afrika Boroa. Ea bonoang a eme lipakeng ke Ofisiri Boemeling ba Amerika naheng ea Afrika Boroa Mong. J Blaney.

Monghali John Blaney, ea buileng lebitsong la Moemeli oa 'muso oa Amerika Afrika Boroa, o boletse hore naha ea habo e ikemiselitse ho nts'a ka metso bothata bo bakoang ke libetsa tse nyenyane Afrika. O boletse hore Amerika le SADC li tekenetse tumellano le phaphanyetsano ea libetsa ho ea linaheng tse thefutsoeng ke meferefere.

Ofisiri e okametseng lefapha la thibelo ea litlolo tsa moalo (CCU), Senior Inspector Thabo Thamae, o boletse hore mats'olo a thibelo ea litlolo tsa molao kahar'a naha a khutlisitse ts'ireletso le poloko ea khutso le khotso libakeng tse ka mabalane ekasita le tse ka maloting a Lesotho. O boletse hore boholo ba litlolo tsa molao li ne li amanngoa le lithunya tse seng molaong.

Senior Inspector Thamae o boletse hore liphofu tsa litlolo tsa molao e ne e e ba bo-rakhoeb, moo libaka tsa thekiso ea thepa ea mofuta o fe kapa o fe, e neng e hapuo ha bobebe feela, "Le ha

Rakhoeb, Monghali Alfred Sekoboto, o boletse hore bo-rakhoeb ba habo ba khotsofetse haholo ke ts'ebetso e tsotelang ea CCU, ekasita le mats'olo a thibelo ea litlolo tsa molao a ts'oaroang ke Sepolesa le Sesole. O boletse hore ho bonahala likhoeb li tsi'reletshile esale CCU e putula marole kahar'a naha. Monghali Sekoboto o boletse hore boemo bo tsetsitseng ba tsi'reletso le polokeho bo hohela bo-ramatsete ka thlahiso ea mesebetsi, 'me e be moruo o oa ntlafala.

Monghali Sekoboto o boletse hore ele bo-rakhoeb, ba etsa boipiletso ba ts'ebetso e sa thekeseleng ka ts'ebetso e matla ea CCU le mafapha oohle a khutso, khotso le polokeho," Ke ipeletsa ho Basotho bohle ba boithatelo bo botle ho fana ka menyenetsi ho CCU, Sepolesa le mafapha oohle a ts'ireletso ho netefatsa polokeho e phethahetseng," a qetella joalo Monghali Sekoboto.

Molaetsa oa Mookameli oa Sesole sa Lesotho oa 2002

Re se re le selemong se secha sa 2002, 'me molaetsa oa ka o ea mafapheng ohle a sesole sa Lesotho le malapa a bona.

Selemong se fetileng ho bile le lintho tse ngata tseo sesole sa Lesotho se li fihletseng le tseo se li entseng. Hara tsona ke tse latelang:

- Ho ts'oara kopano ea lihlooho tsa linaha ea bo mashome a mabeli a metso e meli (22nd session) ea ISDSC.
- Ho saena tumellano pakeng tsa 'muso oa Lesotho le oa India bakeng sa koetliso, e fihlileng sehlohlolong ho fihleng hoa sehlopha sa Masole a India a koetlisang (IATT)
- Theko ea liroala-nkhoana tse peli e le ho tlosa tse khathetseng.
- Leselinyana la Mara le ile la thakholoa/tsebisoa ka molao ka hara sesole sa Lesotho, e le ho haha sesole ka lejo e la moralla.
- Ho batliloe mochini (Computer) o ngolang e bile o boloka litokomane tsa sesole tsa bohlokoa ha bobebe ka Makoanyane e le ho thusa motlatsi oa Mookameli oa sesole ho etsa mosebetsi ka makhetha.
- Ho atolla sepetlele sa Makoanyane e le ho ntlafatsa maphelo a rona.
- Ho senngoa hoa libetsa tse seng molaong Afrika Boroa Benoni.
- Ho thakhola phepelo ea metsi Makoanyane e

hahiloeng ke litho tsa sesole sa Lesotho (LDF). Sesole sa Lesotho le sa SANDF se ile sa ikopanya ho thibela bosholu ba liphoofolo bo neng bo jele setsi malibohong a Lesotho le Afrika Boroa.



Mookameli oa sesole sa Lesotho, Lt Gen AM Mosakeng o bua le mabotho.

Ho hapa likhau, mehope lipapaling ka ho fapakana ho latela boit'soaro ba libapali, tse fanoeng kantle ho naha le ka hare ho eona. Lihlopha tsena ke tsa Taekwondo, bolo ea bo-'me le ea polokoe e rahoang.

Ho ts'oeroe koetliso tse ngata tse bohlokoa tsa sesole sa Lesotho (LDF students) kantle le ka hare ho naha. Ke tlotla hore e

be mokhahlelo oa pele oa sesole, o fumane koetliso ho sebetsa litaba tsa bohlokoa le ho thibela meleko e ka tlisoang ke meea ea lipolotiki. Mokhahlelo oa bobeli oa Masole o ntse o le koetlisong, 'me ho tla ba le tse ling nakong e tlang. Lits'oso tsa bokhukhuni li tla sebetsoa ke sesole ka kotloloho.

Ke rata ho nka monyetla ona lebitsong la ka, le liofisiri tsa Sesole le banna bohle ba LDF ho fetisa ka botebo ba lipelo tsa rona liteboho ho Basotho bohle naha ka bophara ba ileng ba oa ba tsoha le rona mathateng le manolong ngoahola e sita le hona jolale.

Ka mokhoa o ts'oanang ke leboha bakoetlisi ba sesole sa India ba (IATT) ka thuso ea bona ho haha Sesole sa Lesotho (LDF) boemong ba machaba.

Kantle ho boiphihlelo boo, ho sa le ho lelele moo re eang. Ke bolela ho ba le Sesole se sebetsang litaba tsa hae mona le tse kantle ka makhetha. E'ngoe ea mantlha mosebetsing oa Sesole ke ho hleha mabaleng a bo-ralipolotiki ka ho ba fa ts'ireletso e khotsofatsang.

Joaloka ha Lesotho le ea likhethong tse akaretsang haufinyane ke rata ho nka monyetla ona ho hopotsa Masole le liofisiri hore lipolotiki ke tsa bo-ralipolotiki, 'me rona re thusa ka ts'ireletso kaofela. Ea hlohang kapa a hloloa ha hona moo a kena kenanang le Sesole.

E le karolo ea chebelo pele

sheba qhephe la 11

Hloahloa e Afrika e boroa e tobane le mathata a bophelo



Ka Pte
Tankiso Nkoho

Seboka sa matsatsi a mabeli sa komiti ea ts'ireletso le polokeho (ISDSC), sa bangoli ba baholo ba makala a ts'ireletso se ne se ts'oaretse setsing sa liboka motse-moholo Maseru Lesotho, ka Pulungoana selemong se fetileng. Hona e ne e le ts'alo morao ea seboka sa mashome a mabeli a metso e 'meli sa ISDSC se neng se ts'oaroe ka Mots'eanong selemong se fetileng moo Lesotho le neng le nke bolula-setulo ho Mazambique,

Lintlha kholo sebokeng seo e bile tumellano ea ts'ireletso, tsamaiso ea lipolotiki le ts'ebeliso 'moho ts'ireletsong le polokehong tse neng li

lokeloa tekenelo le tumellano. Ka ha seboka seo se ne se ts'oeroe nakong ea lietsahala tsa 11 Loetse 2001, bokhukhuni bo ile ba ts'ohloa ka botebo.

Letona ofising ea Tona-khoho Mohlomphehi Matoane Mokhosi o ile a re seboka sa bangoli ba baholo ba makala a ts'ireletso se tiile nakong e nepahetseng ha lefaat'se lohle le labalabela khotso

“Khotso ke ntlha eo bohle re tlamehang ho sebetsa ka thata ho e fihlela. Ke ananela ka tieo qeto ea nt'setsopele ea seboka sena. Se tlang hantle nakong re se hloakang haholo”, ke letona Mokhosi eo.

A eketsa ka hore ts'ireletso ke thebe ea bohlokoa tsoelapeleng.

“Hona joale, lefaat'se le maqakabetsing a leqeme la botsitso e leng ho nyarosang tsoelopele, eo re e batlang. Leqeme lena la botsitso le ama hampe matlotlo, tsoelopele le moruo hloahloeng ena ea rona”, letona la hlalosa joalo.

Monghali Mokhosi o supile hore tlhokahalo ea botsitso ka lebaka la bokhukhuni e sitisa bolokolohi ba batho.

“Tikoloho ena ea rona e tobane le mathata a kang ho nyoloha ka sekhahla hoa maemo a bophelo, leqeme le tsoelang pele ho phahama la mesebetsi. Lefu le t'soentseng lefat'se ka kakaretso la mokakallane oa setla-bocha le bolaeang batho ka lipalo tse

sheba qhephe la 12

Molaetsa oa Mookameli...

Li tsoa qhephe la 10

mosebetsing oa rona re tla nka karolo polokong ea khotso e tlang ho ba Tanzania lemong sena. Litakalesto tsa Molimo ho bohle ba kentseng letsoho tabeng ena. Re motlotlo ka liofisiri tsa Sesole tse teng tsamaisong ea koetliso ea poloko ea khotso Zimbabwe, eo mosebetsi oa eona e ikarabellang ho koetlisa SADC polokelong ea khosto.

Ho loants'a kokoana hloko (AIDS) ke e'ngoe ea tse ka sehlohong selemong sena mosebetsing oa Sesole. Sesole sa Lesotho (LDF) se tla leka ka matla ho fenyha sera sena. Litho tsa Sesole ho tsoa maemong ka ho fapana li fumane koetliso hae mona le kantle bakeng sa eona kokoana hloko ena.

Ke thaba ho bolela hore ka thuso ea

sepetlele sa Makoanyane re tla hira ka ho loants'a kokoana hloko ena (AIDS). Ke 'nete re tlameha ho thabela katleho ea rona ea selemong se fetileng, empa le teng re sa le bale ho loants'a lefu la pele le bolaeang lefats'eng mona. Ka motsotso ona ke rata ho lakaletsa sechaba sohle le metsoalle esita le basebetsi 'moho ho loants'a AIDS.

Ke tla be ke fositse haholo ha nka lebala ho fetisa litumeliso tsa ka ho liofisiri tsohle le banna ba Sesole sa Lesotho (LDF) ba ileng phomolong feela ba kile ba sebetsa ka sebete le ka boitelo nakong ea mosebetsi oa bona, lilemong tse fetileng.

Ke bohlokoa ho rona ho hopola liofosiri le banna ba Sesole ba seng ba re seile lefaats'eng lena, ba ntse

ba le bosebeletsing ba sechaba. Meea ea bona e phomole ka khotso 'Muso oa Maholimo, 'me khopolo ea bona e tlise mafolofolo le katleho hara rona ho fumana tse kholo.

Ha ke qetella ke rata ho lakaletsa litho tsohle tsa Sesole (LDF) tse kantle ho naha mahlohonolo a selemo se secha 2002. Ka lebaka la mosebetsi oa ts'ireletso ba bangata ba hlotsoe ho thaba ha 'moho le baratua ba bona. Empa, ke bosebeletsi ba sechaba le naha. Ke lakatsa le sebete hantle mosebetsing oa lona.

Selemo sena sa 2002 ha se ke se tlise ntlafalo maphelong a lona, khotso, thabo le bophelo bo botle. Molimo a le hlohonolofatse. ■

Hloahloa e boroa ...

li tsoa qhepheng la 11

phahameng”, letona Mokhosi a rialo. O tsoetsepele ka hore hape batho ba tobane le tla le bofuma tikolohong ena.

“Ke nako joale ea hore re tsepamise maikutlo a rona t’sireletsong ea maphelo tikolohong ena le baahi, ho ba phemisa mathata ana a tlišang masisa-pelo maphelong a bona. Mathata a na a tlameha ho rarolloa joaloka ha a tsitsinya metheo ea botsitso tikolohong e Afrika Boroa,” letona la supa joalo.

O totobalitse hore botlokotsebe bo eme pele kholo ea moruo, ‘me bo etsa hore batho ba bone maphelo a bona a sa sireletseha tikolohong ena. “Re tlameha ho iketsa khokanyana-phiri ho thibela botlokotsebe, haholo maquloana a litlokotsebe le lithekefetso tse etsoang khahlanong le basali le bana. Re t’soarane ka matsoho re loant’sa botlokotsebe ka ho matlafatsa nelehetsano ea mautloela le mekhoe e meng e fetisang litaba”, ke Monghali Mokhosi eo.

O bont’sitse hore ba tlameha ho loant’sa libetsa le lithethefatsi lipakeng tsa meeli ea bona. O supile hore libetsa tse seng tsa molao le lithethefatsi ke t’soso e kholo tikolohong ena e tlamehang ho nt’sua ka metso.

Monghali e moholo oa lekala la t’sireletso, Monghali Malefetsane Mohafa o hopolitse bangoli ba baholo ba makala a t’sireletso ba tsoang linaheng tsa khokahanyo ea moruo Afrika e ka boroa (SADC) hore sebokeng sa 22 se neng se t’soaretsoe Maseru ho bile le lintlha tse neng li lokela ho shejoa ke litsebi le liofisiri.

Monghali Mohafa o bont’sitse hore har’a lintlha tse ling ho keneletsoa tokiso ea tumellano ea

kamano ea t’sireletso e neng e lokela ho tekeneloa Blantyre, Malawi esita le tsamaiso ea lipolotiki le t’ebelisano ‘moho le t’sireletso. Leha ho le joalo tumellano ea kamano ea t’sireletso ha e ea ka ea tekenoa. O itse ke boikarabello ba bona ho netefatsa hore e ea phethahatsoa, ‘me e lokele tekenelo le tumellano.

“Bokhukhuni ke ntho eo re kekeng ra iphapanyetse eona. Lefat’sa ka hohle le eme ka maoto ho bo loant’sa”, Monghali e moholo a rialo.

Ha a koala seboka ka molao, letona le khabane la machabeng,

Re tlameha ho iketsa khokanyana-phiri ho thibela botlokotsebe, haholo maquloana a litlokotsebe le lithekefetso tse etsoang khahlanong le basali le bana.

Monghali Motsoahae Tom Thabane o utullotse hore ha ba ne ba le Amerika sebokeng sa machaba a kopaneng, ba ile ba botsa hore na ke hobaneng ha liofisi tsa UNITA li sa koaloa linaheng tse ling tse mose? O ekelitse ka hore UNITA ke mokhatlo oa bokhukhuni le moetapele oa eona Jonas Savimbi ke mohanyapetsi oa litokelo tsa mantlha tsa botho.

“Ntlha eo e ile ea ananeloa hore UNITA le Savimbi ba ile ba hana ho ikamahanya le tumellano ea khotso ea Lusaka esita le litumellano tse ling tse t’soanang le eona”, ke letona leo.

O supile hore mokhatlo oa

machaba a kopaneng o tla kena lipakeng ho netefatsa hore ho rena khotso Angola le Democratic Republic of Congo (DRC) ha linaha tsa SADC li tla be li shebane le ho loant’sa bofuma, tla, leqeme la mesebetsi le lefu la mokakallane oa setla-bocha.

“Lesotho ke mohlala o hlakileng moo mabotho SADC a ileng a kena ho khutlisa le ho boloka khotso, botsitso esita le ho sireletsa puso ea sechaba ka sechaba”, letona Thabane a hlalosa joalo.

O totobalitse hore Lesotho le se le phethisitse tsamaiso ea lipolotiki le t’ebelisano ‘moho le t’sireletso e le let’soao la boitlamo ba lona ho SADC. O netefalitse hore Lesotho ke eona naha ea pele linaheng tsa SADC e seng e phethahalitse tumellano ena.

“Ke mema matona a linaha tsa habo lona ho folofela leraha esere metsi a psha le a bona ka tumellano ena”, ke letona leo.

O ekelitse ka hore matona a SADC a ne a lumellane ka tumellano ea kamano ea t’sireletso mona Lesotho leha ho ne ho e-na le liphapang tse seng kae tabeng eo.

Qetellong, letona le kopile bangoli ba baholo ba makala a t’sireletso ho eletsa matona ho etsa maano a matle hobane bangoli bana e le batho ba nang le boiphihlelo.

“Ke khothaletsa bo-mphato’a ka ho nka boikarabello maanong a mabe hobane ke lona ba thusang matona ho etsa maano a nang le motheo”, Monghali Thabane a rialo.

Setho sa Sesole sa Lesotho (LDF) e leng e mong oa bangoli ba ISDSC, 2LT Pokane Nchee o hlalositse hore ts’oaro ea liboka tsa 22 le 23 selemong se fetileng e bonts’a katleho e kholo.

Hloahloa e boroa ...

li tsoa qhepheng la 12

“Ho ile hoa eba le likopano khafetsa tsa likomitjana tsa lits’ebeletso le mautloela tse pakahalitseng hore li bohlokoa haholo,” ho rialo 2LT.

O utollotse hore leqeme la ho susumetsa tselo ea ho ts’oara lipuisano tsa khotso mabapi le mathata a amang Angola, DRC le Zimbabwe li ka nkuoa e le lits’ito.

“Ho fihlela botsitso Angola, DRC le Zimbabwe, boikitlahetso bo hloka haholo ho tsoa mafapheng a loants’anang. Ke mathata a ka hare, ‘me kaofela re lokela ho khotsoa lipuisano tse lebisang khotsong,” 2LT Nchee a toboketsa joalo.

Ha a tsoelapele o supile hore lefats’e kaofela le momane le ntoea ea ho loants’a bokhukhuni. “Hona ke e

ngoe ea liphepetso tseo hloahloa e boroa ho Afrika e tobaneng le eona. Ha re tla tharollong ea mathata a lipolotiki ka mekhoha ea khotso, Angola le DRC ke linaha tseo ho builoeng ka mathata a tsona haholo sebokeng sa ISDSC. Boemo bo ntseng bo nyotobela Zimbabwe le bona ha bo ka ba ba tloisoa mahlo holimo. ■

Morena oa Ha Rantuba o Ila sa ‘mokotsane



Ka Pte
Thabiso Rajane

Ke lilemo tse tharo (3) tse fetileng

ha sechaba sa ka se ne se rera ho theha mokhatlo oa thibelo ea bosholu ba liphoofole oo e meng ea mesebetsi ea mantlha ea oona e neng ele ho potoloha le motse le ho fana ka t’sireletso ea motse khahlanong le litlolo tsa molao tse bonahalang li hloele mekoalaba. Mokhatlo o ile oa thehoa ka katleho e kholo ruri ‘me oa fumant’soa malebela ke ba lefapha la sepolesa peka’, o rialo morena oa Ha Rantuba, morena Mosuoane Rantuba ka la 12 Pulungoane ngoaholo.

Ha ea ka tlhaloso ea morena Rantuba, lebotho lena la motse oa hae le qalile ka palo e nyane haholo eo litho li neng li le leshome feela empa le holile hoo le ileng la ananeloa ke motse kaofela. Lebitso la lebotho lena ke Thebe-ea-Manka.

Morena Rantuba o hlalositse ha lebotho lena la motse le sebelitse hantle ka katleho e kholo ka nako ea lilemo tse peli. “Ka bomalimabe bo boholo lebotho lena le arohile likoto tse peli tse loant’anang. Ke na le

tumelo e sa thekeseleng ea hore karohano e bakiloe ke t’sut’sumetso ea mokhatlo oa Maroala oa thibelo ea bosholu ba liphoofole oo tse ling tsa litho tsa oona eleng baahi ba Africa Boroa”, morena o rialo ka ho t’soenyeha ho hoholo.

Rantuba o tsoetse pele ho hlalosa hore karohano ena ea lebotho la motse e bakile mathata a leshongoana moo Ha Rantuba. O tletleba ka hore litho tse khephohileng lebothong leo la motse li bonahala li hanana le maano a motse ‘me li se li sa

t’sepahalle baahi ba motse ‘me hape litho tseo li hana ho ea le morethetho oa lentsoe la hae ele morena.

Rantuba o bont’sitse tlhokahalo e potlakileng e ka nkuoang ele khato ea ho busetsa litaba tseo setloaeling pele maemo a tsona a mpefela.

Ofisiri ea sepolesa sa Lesotho e ikarabellang motebong oa sepolesa Peka Senior Inspector ‘Mampho Mokhele o re

sheba qhephe la 14



Morena Rantuba oa Ha Rantuba, Leribe o bonoa a buisana le litho tsa thibelo ea bosholu ba liphoofole tse bitsoang Thebe-ea-Manka. Setsoantšo ka:- Pte M Maputla

Morena oa Ha Rantuba...

li tsoa qhepheng la 13

mokhatlo oa Maroala ke mokhatlo o moholo oa thibelo ea bosholu ba liphoofofo, o akaretsa litereke tse tharo tse ka boroa ho naha ea Lesotho, Berea, Leribe le Botha-bothe. Ofisiri ena ea



Mohai oa Ha Rantuba eo eleng setho sa Maroala sa thibelo ea bosholu ba liphoofofo o hlalisa maikutlo a hae ka Thebe-ea-manka o mong oa mokhatlo oa thibelo ea bosholu ba liphoofofo Ha Rantuba. Setšoantšo ka:- Pte M Maputla


boemo ba (Senior Inspector) e lumetse hore hona le qabang e nyenyane lipakeng tsa mokhatlo oa Thebe-ea-Manka le maroala.

Mofumahali Mokhele o pharalla ka tlhaloso hore sepolesa sa habo se entse mekutu eohle ea ho fumana sesosa sa likhohlano tseo. Mekutu le liphuputso tsa sepolesa li nyebekolla ha qha-qhang-qhang ele ho t'selela ka naheng ea boahelani ka thoko ho molao hoa litho tsa mekhatlo ena ka bobeli; e le ha li ilo roalla patsi ka mose ho noka. "Lebotho la Maroala le t'soara litho tsa lebotho la Thebe-ea-manka ha li t'selela ka mose ho noka ea Mohokare ho ea roalla libeso, ha ka lehlakoreng le leng la litaba, ba sehlopha sa lebotho la Maroala ba re bona ba na le tokelo ea ho roalla patsi ka naheng eo ea boahelani ka lebaka la mokhatlo oa bona o nang le baahi ba Afrika Boroa", Mokhele o li beha joalo.

Ho ea ka tlhaloso ea Mofumahali mokhele khohlano e bile pohaneng haholo kamorao ho hore litho tsa Maroala li t'soare le hona ho khakhatha litho tse tharo

tse Thebe-ea-Manka. O tsoetsoe pele ho bont'sa hore leha ele mona litho tseo tsa Thebe-ea-Manka li ile tsa hlokofofatsa, baetsi ba liketso tseo tse soto ba ile ba behoa ka pele ho makhotla a molao 'me likhato tsa molao li nkiloe khahlanong le ba molato.

Ofisiri Mokhele o ipiletsa ho mekhatlo ena e 'meli ho lula faats'e e shebisane litaba le hore e arolelane t'sebetso etsoe sepheo sa t'sebetso se le seng. "Kea tseba ka boteng ba mekhatlo ena ka bobeli ba eona mona libakeng tsena tseo ke ikarabellang ho tsona, kaholimo ho tsohle sepolesa sa heso se kentse letsoho haholo ha e thehoa hape



Thamae Rantuba ke e mong oa mahlatsipa a litlhokofatso tsa lebotho la Maroala. Setšoantšo ka:- Pte M Maputla

ke na le mathathamo a litho tsa mekhatlo ena ka ofising ea ka", o rialo Mokhele ha a hlalosa litaba tsa mekhatlo.

Mokhele o netefalitse polelo ea Morena Rantuba ea hore Maroala e kenyelelitse le baahi ba Afrika Boroa hore e be litho tsa mokhatlo, morena o supa hore mathata a motse oa hae e kanna ea eba t'susumetso ea litho tseo tsa Afrika boroa. Mokhele o supile hore litho tsa Maroala tsa baahi ba Afrika Boroa, ke batho ba ahileng pela moeli oa linaha tsena tse peli, 'me o khothaletsa hore ha ho letho le phoso tabeng tseo tsohle, a supa hape hore ke monyetla oa mekhatlo e joalo ho ka neheletsana ka t'sebetso le t'sebetso e tla pharalla ho fihlela e t'sela melatsoana.

Monghali Sehloho Matobako (50) oa Ha Rantuba, o re Mokhatlo oa Maroala o sebetsa ka thoko ho molao kaha o koetela babelaelloa, o oa ba hlokofofatsa. A eketsa ka hore litho tsa Maroala tse phelang motseng moo ha li ikamahanye le litaba tsa motse 'me lia ikhetholla ho batho ba motse.

Thamae Rantuba ea lilemo li (23) eo e leng e mong oa mahlatsipa a litlhokofatso tsa lebotho la Maroala ka pelaello ea bosholu ba liphoofofo tsa Monghali Thabo Ralehlathe o buaoa tjena. "Na le moholoane re ile ra t'soara ka matjeke mohla letsatsi leo ke lebotho la Maroala ho se puo ho se letho, 'me ra shapuo hampe-mpe", o tsoetse pele ho hlalosa ha seo se mo baketse mathata a bophelo hoo maemo a bophelo ba hae a seng a hloabaetsa. "Ha ke sa khona ho tsamaea sebaka se se telele joalo ka pele ke fihla liatleng tsa batho bao". Mohlankanyana enoa o rialo ka lentsoe le thothomelang la motho ea fokolang ruri.

Thamae o ipiletsa ho mekhatlo ea thibelo ea bosholu ba liphoofofo naha ka bophara ho se inkele molao

sheba qhephe la 15

Colonel 'Jomo' o hlalefela setloli sa molao se kotsi

Ka Pte Ndele Ntoi

Litabeng tsa t'sireletso, poloko ea khotso le botsitso, boutloela ke theko e kapele-pele ea boit'sireletso. Ke ka hona ho thoeng molaoli ea se nang tlhahiso leseling ka tsa boutloela o bokooa joaloka 'mpoli oa litebele ea sefutho a mpang a koetsoe mahlo hoo a ke keng a bona moo a ka otlang mophephetsi oa hae teng", ho hlalosa molaoli oa Lefapha la Mautloela a sesole sa Lesotho, Colonel Mahao Ambrose Mofolisa (49).

Colonel Mofolisa ke ngoan'a matsibolo lapeng la Ntate Senyokotho le 'M'e 'Mamahao Mahao. O hlahile ka la 11 Pulungoana, 1952 mane Ha Malephane seterekeng sa Quthing. O ile a holisoa har'a ba bang tlaas'a tlhokomelo le tataiso ea Mobishopo oa Kereke e K'hatholiki, Qacha's Nek, Bishop Bitsoane hammoho le moruti oa le-Canada, Father Drolet. "Ke ne ke romeloe sekolong sa St Theresa Siminary mane Roma ke sa le monyenyanane haholo. Bishop Bitsoane le Father Drolet e ne e le bahlakomeli ba molemo haholo ba rona moo. Re ne re bile re bapala papali ea



Colonel Mofolisa ea neng a etelletse pele moifo oa sesole sa Lesotho, Benoni, Afrika Boroa o hlaloesetsa bo-ralitaba ka t'senyo ea libetsa.

tenese hammoho le Bishop Bitsoane", ke Col Mofolisa eo ha a hopola tsa mehla eo.

Col Mofolisa o ile a kenela sepolesa sa Lesotho (LMP) ka Loetse, 1970. "Ka mora'ore hore ke phethele

sheba qhephe la 16

Morena oa Ha Rantuba...

li tsoa qhepeng la 14

matsohong a eona. O nt'setsa pele boipiletso ba hae ka hore, haeba motho kapa batho ba belaelloa ka tlolo ea molao oa mofuta ofe kapa ofe, motho ea joalo a t'soaroe a nehelanoe ho sepolesa se haufi le moo ketso e joalo e etsahetseng teng. O re hona ho ka thusa ho qoba liketso tse tsoanang le tse etsahetseng ho eena le ho moholoane oa hae.

Moahi oa hona moo Ha Rantuba eo eleng e mong oa litho tsa sehlopha sa Maroala, Monghali Khabane Khabane ea lilemo li 53, o hlalohitse maikutlo a hae joana, "ke ntse ke le setho sa lebotho la Thebe-ea-Manka, leha ele mona ke ikhethetse hoba setho sa

lebotho la maroala. Lebaka la mantlha ke hobane Thebe-ea-Manka ha e sa etsa tsebetso ea eona ea thibelo ea bosholu ba liphoofole ka matla-matla le ka sehlahlo, empa bosholu ba liphoofole bona bo ntse bo tota bo e hloa mekoalaba. Joale mokhatlo oa Maroala o etsa t'sebetso e tsoileng matsoho le mekufu eohle ho ka nyebekolla bosholu bona ba liphoofole ka metso.

Khabane o tsoetse pele ho tletleba ka pherekano eo a e bonang lipakeng tsa bona ele baahi ba Ha Rantuba. A supa hore t'soaro eo ba e t'soaroang ke batho ba motse

empe haholo 'me o nahana hore sesosa ke ho khephoha hoa bona ho Thebe-ea-Manka. "Re e tseletsoa ka hore ha re tsamae mafu hape rea ikhetholla litabeng tsa motse, tseo kaofela ke mafosisa a reretsoeng ho jala pherekano kahare ho rona re le baahi ba motse", ke Khabane eo ha a hlakisa lehlakore la Maroala la litaba.

"Re hlokometse hore re qosoa ka litaba tse ngata ke bomphato ba rona. Tse ling tsa liqoso tsa bona ha lina methetho kaha ha re phele ka moo ba reng re phela ka teng", o ferile litaba tsa hae joalo oa lebotho la Maroala. ■

Col 'Jomo'...

li tsoa qhepheng la 15

thupello ea ka ea motheo mane Sekolong sa Koetliso ea Sepolesa (PTC) Maseru, ke ile ka romeloa ho ea sebetsa motebong oa sepolesa mane Hlotse, Leribe. Moo ke ne sebetsa lefapheng la Liphuputso tsa Litlolo tsa Molao le neng le le tlaas'a Superintend Mphana", e boetse ke eena eo.

Ha a ntse a le Leribe moo, Col Mofolisa o kile a ea motseng o bitsoang Likhetlane haufi le Maputsoe ka taelo ea ho ea t'soara monna e mong tjee, oa seqhobane ka pelaello ea ho khakhatha ofisiri ea sepolesa. "Ha ke fihla moo, ke ile ka mo fumana a it'setlehile ka lesaka, a e-na le bara ba hae ba tletseng moea oa ntoa tjena! Monna eo o ne a koenne, 'me a shebahala a le matla haholo. Ke ile ka lokela ke hona ho loha leqheka la ho mo nolofatsa hore ke tle ke mo t'soare", ho rialo Col Mofolisa.

Temana e mona e re'ng, 'Monghali Semanya-manyane, ke u t'soanela ho khakhatha ofisiri ea sepolesa ka morero oa ho mo nt'sa likotsi. U na le tokelo ea ho khutsa; sohle seo u se buang se tla sebelisoa e le bopaki khahlanong le uena lekhoteng la molao la linyeoe', e ne e le polelo e ka bakelang Mofolisa khathatso feela.

"Seqhobane seo se ile sa itatola bosehla, empa ka se qhekanyetsa ka hore ke mpa ke rometsoe feela ho tla utloa lehlakore la hae la litaba ka pelaello ea tlolo eo ea molao. Ho feta moo ka mo kopa ka boikokobetso bo boholo hore a ee le 'na motebong oa sepolesa ho ea hlapanyetsa boitatolo boo ba hae, etsoe ke se letho ho ka mo hlapant'sa. Ka lebaka la boikakaso o ile a bonahala a thabela seo, 'me ra fela ra ea hammoho.

"Hang-hang ha re kena mapatlelong a motebo oa sepolesa, ea re ha ke bona hore banna ba heso ba haufi ho jela-phate ha a ntlala matsoho, ka mo khorohela ka lihanaboi, ka mo fasa, ka nto mo kharametsa ho ea mo koalla; a se a le bonolo", ke eena eo a bile a bobothaha.

Col Mofolisa o ile a isoa ka sesoleng sa Lesotho se neng se bitsoa Police Mobile Unit (PMU) ka 1974. "Ke ile ka



Colonel Mofolisa (ka ho le letona) eo a neng a le boemong bo tlase kas nako eo, o ne a ikakhetse ka setotsoana haholo lipapaling. Col o bonoa mona a nkhisetsana mahafi le Lt Col Thabo Mohapi eo le eena a neng a le boemong bo tlase ka nako eo, tlasa botsamaisi ba eo e neng ele Sgt Reentseng Habi.

fapanyetsana le e mong ea bitsoang Trooper Peete. Baokameli ba ka ba na ba mpoella feela hore monna eo Peete o se a holile, 'me o se a bile a e-na le lelapa, ka hona e ka khona ke ee ho nka sebaka sa hae ka PMU ha eena a tla tlatsa sekheo sa ka ka LMP. Leha e ne e le ntho e sa utloahaleng ho le ho kaalo, ke ile ka fela ka ea", ke Col eo.

Ka nako eo Col Mofolisa e ne e le sebakali se hloahloa sa papali ea bolo ea maoto, 'me e ne e le 'mapala-hare ea matla oa nako eo. "Sehlopha sa rona sa PMU se ne se koetlisoa ke Benghali Styles Phumo le Bernard ea neng a e-tsoa naheng ea Geremane. 'Moho ba ne ba re beile maemong a matle hoo re neng re khaba ka papali e khahlang babohi kamehla", ke eena eo ka boitumelo bo boholo, a bile a eketsa ka hore, "ba nthoholetsang ba ne ba mpitsa Jomo".

Ho feta moo Col Mofolisa o ile a ea sebetsa lebothong le neng le bitsoa C-Company. O ile a nyalloa maemong a t'sebetso a ntse a le moo ho isa a fihlella boemo ba bo-sergeant. E bile e mong oa barutoana ba pele ba sekolo se phahameng se ileng sa thehoa ka har'a sesole sa Lesotho lilemong tseo. O ile a etsa lengolo le neng le bitsoa London

General Certificate of Education hona moo.

Ka mora' o ho moo ea e-ba mokoetlisi sekolong sa koetliso ea sesole. Empa bolaoli bo ile ba phakisa ba elleloa hore a ka ba le bokhoni ba t'sebetso e ntle lefapheng le neng le tobane le phephetso e kholo la Boutloela ba Sesole. Ke ka hona a ileng a romelloa leboea ho Afrika koana Algeria ho ea kenela thupelo e ikhethang ea sesole ho tsa boutloela setsing sa thupelo ea sesole sa naha eo se sebakeng se bitsoang Siddi Belabesse ka 1983.

"Ke ne ke ile moo le sehlopha sa pele sa masole a nang le mangolo a thuto ea University ka har'a sesole sa Lesotho. E le mohato oa boitlhopo re ile ra rutoa puo ea Sefora re sa le hae koano, empa ka lehlohonolo barupeli ba rona ba ma-Algeria ba ile ba khetha ho sebelisa toloko ea puo ea Senyesemane, e leng se ileng sa re nolofaetsa thupelo e le ka 'nete", ho rialo Col Mofolisa.

Ha ba khutla moo, 'muso oa khethollo ea 'mala oa mehlang naheng ea Afrika Boroa ka bophatlalatsi ba naha eo bo neng bo le tlaas'a taolo e thata ea puso bo ile ba tumisa hore sehlopha sa masole a Lesotho se sa tsoa koetlisoa naheng ea

sheba qhephe la 17

Col 'Jomo'...

li tsoa qhepheng la 16

bokomonisi se tseleng e khutlelang hae. “Muso oa ka nako eo oa Lesotho ka kopanelo le mebuso ea linaha tse ka boroa ho Afrika li ne li le ntsoeleng khahlanong le leano la khethollo ea ‘mala Afrika Boroa. Ke ka hona re ileng ra rehlooa hore re fuparetse t’sireletseho ea naha eo kotsi e kholo”, e boetse ke eena eo.

Ha maemo e se e le ao, Col Mofolisa le banna ba habo ba ile ba tlameha ho khutlela ka har’a naha ea Lesotho ka sekhukhu. Sefofane sa bona se ile sa tsorama mane Maputo, Mozambique, ‘me ho tloha moo ba kena koloing e ileng ea ba isa Mbabane, Swaziland moo ba ileng ba kena sefofaneng se tlang Lesotho, ba ba ba tla fihla ka polokeho.

“Ke na le khopolo ea hore ke ka hona le ka mora’o hore ‘muso oa naha eo ea Afrika Boroa o ithaopele ho sebelisana ‘moho le ‘muso oa sesole oa Lesotho litabeng tsa t’sireletso, baahisane bao ba rona ba neng ba ntse ba sa re t’sepe”, ke Col Mofolisa.

Ka mora’o ho thupello ea hae ho tsa boutloela moo Algeria, Col Mofolisa o ile a isoa Lefapheng la Boutloela ba Sesole le neng le bitsoa Technical Intelligence Branch (TIB) tlaasa bolaoli ba Lieutenant General Makhula Mosakeng ea neng a le boemong ba major ka nako eo. “Ke hlakise hore liphetoho tse bileng teng lipolotiking tsa Lesotho tse ileng tsa beha sesole matleng a puso ka 1986, li ile tsa boela tsa tisa liphetoho tse kholo ka hare ho TIB. Lt Gen Mosakeng o ile a isoa Lefapheng la Mautloela a Naha (NSS), ka sala ke le motlatsi oa balaoli ba ‘maloa ba ileng ba ‘na ba kena ba tsoa ka phapanyetsano ea linako tse khut’soanyane lipakeng.

Col Mofolisa o tsoetsepele ho hlalosa hore lefapha la habo le ithutile ka tsela e thata hore ho nyopa hoa t’sireletso e atlehileng ho bonahetseng ka har’a sesole sa Lesotho le naha ka kakaretso ka lilemo tsa bo-1994 le 1998 har’a tse ling ho bakiloe ke ho se ananelehe ho bileng teng ka har’a litho tse ling tsa sesole.

“Boholo ba masole a habo rona a ne a sa utloisise seo e leng thomo ea lefapha la heso

ka har’a sesole sa Lesotho. Ka nako e telele ho bile le maikutlo a fosahetseng a hore lefapha lena la boutloela le thehetsoe ho thatafaletsa litho tse ling tsa mabotho a hlometseng bophelo ka ntle ho mabaka feela tjena. Re ile ra

“Ke na le khopolo ea hore ke ka hona le ka mora’o hore ‘muso oa naha eo ea Afrika Boroa o ithaopele ho sebelisana ‘moho le ‘muso oa sesole oa Lesotho litabeng tsa t’sireletso, baahisane bao ba rona ba neng ba ntse ba sa re t’sepe”

khesoa ke hona, ra ba ra nenoa ke ba bang, ‘me ka hona t’sebelisano ‘moho eo re e tsetselelang le mafapha a mang a sesole ho loant’sa bosenyi e ile ea putlama kapa nka re e ne e hlile e le sieo”, a toboketsa ntlha eo ka matla.

Ka tlaas’a bolaoli ba Col Mofolisa, ho ile hoa thehoa sekolo sa koetliso ea mautloela – Military Intelligence School (MI Sch), moo litho tse ngata tsa mabotho a hlometseng li seng li

filoe thupello ea motheo ho tsa boutloela. “Sepheo sa mantlha ke ho elellisoa masole ‘ohle ka bohlokoa ba lefapha lena la heso e le hore t’sebelisano ‘moho e tle e be teng. Haele hantle thomo ea lefapha la heso ke ho ba le chebelo-pele le hona ho lepa ka nepo mehato eohle eo sera se e reretseng ho beha t’sireletso ea naha le baahi tsietsing.

“Ke boetse ke entse

khothaletso ea hore balaoli bohle ba mafapha a teng ka har’a sesole ba ee sekolong moo ho ea fumant’soa thupelo ea motheo ho tsa boutloela hore tsela ea t’sebetso ea bona e tle e be e otlolohileng. Ke ka hona thupellong

ea liofisiri tse kholo lefaat’s e ka bophara u tla fumana har’a lenane-thuto ho akha thupelo ea motheo ea boutloela”, e boetse ke Col eo.

Lithupelo tsa sesole tseo a seng a li tsamaile ho fihlela joale li kenyeletsa ea ho qoela ka tlaas’a boliba le ho phonyoha ka ho tsamaea ka tlaas’a metsi mane setsing sa leboho la metsing la Manyesemane, Portsmouth sehlekehlekeng sa Hoasea, Borithani. “Ka litsebo tseo a li fumaneng moo o se a ile a atleha ho nt’sa litopo tse ka bang leshome tsa batho ba noetseng ka har’a naha ka mona”, ke eena eo.

Ho ile hoa latela thupello ea Thuto ea Mahlale a Botekhiniki mane Colet, Pretoria, Afrika Boroa. “Ka 1994 ke ile ka kenela thupelo boemong bo tsoetseng pele ba machaba ho tsa boutloela mane Huachuca, Arizona, Linaheng tse Kopaneng tsa America (USA). Ho tloha moo ke ile ka ea kenela thupelo e ‘ngoe e tsoetseng pele ho tsa boutloela mane Fontana, Pretoria, Afrika Boroa ka 1997. Ke sa tsoa phethela thupelo ea selemo ea bolaoli boemong ba liofisiri tse kholo tsa sesole mane Jaji, Kaduna, Nigeria”.

Col Mofolisa o ile a abeloa khau ea boipabolo t’sebetso le ea lilemo

“...ka har’a sesole ba ee sekolong moo ho ea fumant’soa thupelo ea motheo ho tsa boutloela hore tsela ea t’sebetso ea bona e tle e be e otlolohileng. Ke ka hona thupellong ea liofisiri tse kholo lefaat’s e ka bophara u tla fumana har’a lenane-thuto ho akha thupelo ea motheo ea boutloela”


tse mashome a mararo (30) a sebetsa ka bokhabane. Ha a se mosebetsing o rata ho etela baholo ba hae le ho bala. O na le mofumahali, ‘me ‘moho ba sitsoa ka bana ba bane (4) ba bashanyana. ■

LITŠOANTSO

TSA



Ramabotho, Brigadier PK Sebjoe (le Letona) o fana ka lengolo la t'sebetso e ntle ho Maj R Erasmus oa SANDF kamora Operation Qeto/Sardien. Setšoantšo ka:- Pte M Mashili



2Lt M Kumalo oa Ofisi ea Liphatlalatsa ea sesole sa Lesotho o bonoa mona a amohela bana ntlong ea lijo kamorao ho kenela mohoaantso oa sesole ka T'sitoe. Setšoantšo ka:- Pte S Hokinyana



Ke tsona lithunya tsa Lesotho ha li ne li ilo t'seloa kahar'a mochini o silang t'sepe, Benoni Afrika Boroa ka Pulungoana. Setšoantšo ka:- Pte M Mashili



Litho tsa Bo-rameralo ba litsela, marokho le meaho ba sesole sa Lesotho ba bonoa ka lipont'suoa tsa t'sebetso ea bona thupelong e neng e tsamaisoa ke sesole sa koetliso sa India.



Lt M Letsoela oa sesole sa moeeng sa Lesotho o bonoa a amohela mpho ea t'sebetso ea selemo e ntle ho tsoa ho Molaoli oa sesole sa moeeng, Brigadier ET Motanyane lebaleng la boemafofane ba sesole la Mejametlana, Maseru. Setšoantšo ka:- Pte M Maputla



Matsatsing ana tsebo ea computer sesoleng ke ntho ea bohloakoa: WOII C Lebabo o bonoa mona a sebetsa lefapheng la computer motebong oa sesole Makoanyane.

LIKETSАHALO



Sgt V Seturumane oa lefapha la mautloela a sesole sa Lesotho, o ne a fana ka puo, ha ho ne ho koaloa thupelo e ikhethang ea boutloela motebong oa sesole Makoanyane.



Ke karoloana feela ea mabotho a sesole sa Lesotho ha a ne a le mohoantong o neng o tloha motebong oa sesole Makoanyane ho ea Ha Ratjomose ka Ts'itoe. Setšoantšo ka:- Pte M Maputla



Re isa lit'sebeletso sechabeng : masole a Lesotho a bonoa a thusa ho rulela e 'ngoe ea matlo a ileng a angoa ke maholiotsana mafelong a selemong se fetileng. Setšoantšo ka:-Pte M Maputla



Ke oona masole a Lesotho ha a ne a le thupelong ea li-computer motebong oa sesole, Makoanyane e neng e tsamaisoa ke sesole sa India.



Sesole sa Lesotho sa moeeng moketeng oa keresemese boema-fofane ba Mejametalana, Maseru. Setšoantšo ka:- Pte M Maputla



Moeletsi oa t'sireletso oa sesole sa India ho LDF, Brigadier J Singh o etsa puo pulong ea Computer Laboratory Makoanyane.

Khetha Seponono s

Babali, khethang Seponono se itlhommeng pele liponono



Enoa ke Busisiwe Mojaki Ho tsoa Ha Tšosane. O lilemo li 23. O rata litšoantšo, ho bala le ho tebuka (modelling).




Bulelwa September oa Borokhoaneng, o lilemo li 22. O rata ho bala, ho shebella T.V ekasita le ho tebuka.



'Malekanyane Lekan oa Mapoteng. O lilemo li 21. O rata ho bapala Volleyball le ho mamela se



Busi Mojaki Ho tsoa ka Ha Tšosane. O oa tebuka (modelling) e bile, o ruta bana ka nako ea hae ea boithapollo.



Ntsimane Mahase oa Khubetsoana, o lilemo li 22. O bala libuka, o mamela 'mino. O labalabela ho ba mohlhisi oa lits'oants'o (Film Producer)



Sebopeho Makoloane oa Borokhoaneng, o lilemo li 21. O rata ho bapala Volleyball le ho mamela se

Tlhomamiso ea seponono sa liponono le bahlahlami ba sona ba babeli e tla ts'oaroa ka kheoli ea 'Mesa/Motšeanong 2002. Mamele kiba-kiba ka meputso e fapakaneng.

Le ka romella khetho e joalo ho : Mohlophisi, Liponono tsa Mara , Box 1346, Maseru 100, Lesotho

sa Liponono sa 2001

monong tsena, 'moho le bahlahlami ba babeli ba sona.



Rethabile Mokhali oa Lower Thamae. O lilemo li 16. O rata ho bapala bolo ea matsoho le ho tebuka.



Lineo Peete oa Maseru West. O lilemo li 21. O rata ho shebella TV, papali ea tennis le chess, ekasita le ho mamela 'mino.



Esther Mariti oa Makoanyane. O lilemo li 17. O rata ho bina, ho hahlaula le ho shebella litšoantšo. O lakatsa ho ba Psychologist.



Ntsiuoa Sekete oa Qachas-Nek. O lilemo li 19. O rata ho tebuka thusa likooa le ho etsa setsoalle. O lakatsa ho ba toloko le setšoantsi. O selemong sa bobeli ka sekolong se seholo sa sechaba Roma (NUL).

erjaneng oo ho tla be ho fanoe ka likhau ho batlalehi ba Mara ba ipabotseng ts'ebetsong ea bona, haele liponono tsona li tla

Lebotho le Ikhethang la Sesole sa Lesotho le pepesa bokhoni ba lona

Ka Pte Ntlele Ntoi

Tsohle li ne li e-ea ka theko; ho se lere-lekhopo letsatsing leo sera se ileng sa tsoha matla, 'me sa baka t'sabo le pherekano naheng tummeng ka khotso le khutso ea Lesotho. Ketso eo e malimabe ea bokoeta e ileng ea phephetsa khalefo e tukang malakabe ea Lebotho le Ikhethang la sesole sa Lesotho.

Tsitsipano ena e ile ea qala lihoreng tsa hoseng ka la 30 Pherekhong, 2002 mane Setsing sa Liboka Maseru moo lingangele tse supileng tse hlometseng ka thata li ileng tsa koetela ba bang ba bahlanka ba baholo ba 'muso, 'me ba ba etsa bat'soaruo ba phapanyetsano. Bahlomphehi bao 'moho le batho ba bang ba ne ba ile ba tsometsoa nakong eo ba neng ile kopanong ea bohlokoa moo.

Litlaleho tsa mautloela li ile tsa supa hore pejana ho ketsahalo eo ho ne ho ile ho bona banna ba supileng ba ikoahetseng lifahleho haufi le khoro e kenang moahong oo oa liboka ba shabahetseng hantle joaloka lingangele tse eeng li bonoe lit'soant'song tsa telefishini. "Ha ho potang banna bao ke bona ba ikarabellang ho koeteloeng ho bahlomphehi bao", mehloli ea mautloela e ile ea netefatsa seo.

Ha metsotso e le mashome a mabeli a metso e mehlano pele ho hora ea leshome hoseng lingangele li ile tsa qalella ka mesebetsi ea tsona e lit'sila – molebeli oa moaho oo ea neng a sa hlomela ka letho o ile a thungoa letsohong, 'me a betsetsoa ka ntle ho moaho e le ho romela molaetsa o hlakileng ho 'muso oa Lesotho hore o se be lesisitheho ho phethahatsa lipehelo tsa bona.

Ha e le mashome a mabeli pele ho hora ea leshome mohala o ile oa lla ofising ea Mongoli e Moholo oa 'Muso, "Hloaea tsebe, u mamele ka hloko! Re t'soere bahlomphehi bohle ba neng ba tlile phuthehong mona setsing sa liboka, 'me e se e le bat'soaruo ba phapanyetsano. Ka hona re hloka t'sebeliso 'moho e feletseng le 'muso oa heno – ho seng joalo re tla simolla ka ho bolaea bohle ba matsohong a rona ka bonngoe ha nako eo re e balileng e ka fihla lipehelo tsa rona li e-s' o phethahatsoe", ke se seng sa lingangele tseo se bile se tsoelapele ho lokolisa lipehelo tse lokelang ho phethahatsa hang-hang.

Sesole sa Lesotho se ile sa longoa tsebe ka



Masole a lebotho le ikhethileng ka hara sesole (Commandos) a boikoetlisong Setsing sa Liboka (LNCC) Maseru.

boemo boo bo hloabaetsang, 'me kapelepele mehato ea mantlha ho ithlophiseisa phutoho e ile ea etsoa. Litho tsa mautloela hohle moo li leng teng li ile tsa hlokomelisoa ka boemo boo, 'me tsa fuoa boikarabelo ba ho qolotsa lintlha tsohle tse amanang le lingangele tseo le maemo ao a renang moo setsing sa liboka. Ho sa le joalo litho tsa lebotho le ikhethang la sesole sa Lesotho li ile tsa biletsoa t'sebetsoeng ka potlako tsa ba tsa potlakisetsoa lebaleng la lifofane la Mejametalana moo ba ea simolla ka let'solo la bona la litlhaselo khahlanong le lingangele tseo ba tloha teng ho ea lopolla bao bohle ba koetsetsoeng.

Ha e ota metsotso e leshome le metso e mehlano ho ea horeng ea leshome – metsotso e se e jele babeli; ho se ho se le sebaka sa ho ithlophiseisa let'solo la topollo ea ba koetsetsoeng, bohle ba neng ba le haufi le moaho oo ba ile ba balehiseitsoa thokoana sebakeng seo ba kekeng ba angoa ke mehato ea lebotho leo le ikhethang ha maemo e le ao. Ke ka eona nako eo sehlopha sa bo-ralitherisano le bakena lipakeng ba neng ba t'soere ka thata ba leka ho fihlela tharollo ea tsitsipano eo ka khotso. Bao ba ne ba etsa seo ka sepheo sa ho liehisa mehato ea sera ea ho hlokoletsa ba liatleng tsa bona ele hore lebotho le ikhethang le be sebaka sa ho ithlophiseisa tlhaselo setsing moo.

"Banna ba heso rea palama hona joale; re titimela mane Setsing sa Liboka ho ea lopolla bat'soaruo bao ba phapanyetsano. Hopolang, re hleka lingangele feela – ho

se be le ha e le a le mong oa bao re eang ho ba lopolla ea tla khobatsa ke mehato eo re tla'ng ho e nka moo", ho rialo molaoli oa lebotho leo Commando Captain Mokoloba ha a fana ka taelo ea tlhaselo a bile a tsoelapele ho manolla mehato e meng e tlang ho nkoa methating e meng ea let'solo leo pele ba kena liroala-nkhoaneng tse neng li se li le malal'a a laotsoe.

Maemo e sa le ao, mane setsing sa liboka e ne e le lehlana-hlana la motima-hlaha, lingangele li phathahane ke mehato ea ho itsetela moahong moo. Bat'soaruo bohle ba ne qobelletsoe ka phaposing ea likopano. Lingangele tse peli li ne li ba beile leihlo ka thata – lithunya tsa bona li le maemong a t'sebetso. Ba bang ba bane ba ne ba inekantse ka mabota, ba thibelletse menyakong eohle e kenang moahong oo, ha e mong e ne e le tlhoeli ka holimo ho moaho, 'me a ntse a hoanka moo a beile maemo leihlo a bile a ntse a tsoka sethunya se it'sebetsoeng sa AK 47 ho rinya sohle se ka t'sohang se re naka naka haufi le moaho oo.

Ho bile ha ota metsotso e leshome le metso e mehlano ho ntse ho se nko ho tsoa lemina; lingangele li ne li ntse li satalalitse melala, ba hana hehehe ho mamela boipiletso ba bo-ralitherisano. Ke ka eona nako eo liroala-nkhoana tse peli – Bell 412 le BO 105 li ileng tsa bonoa li phahama mane Mejametalana, 'me li potlakela moo ntlo e chang.

Ea na ea re ha liroala-nkhoana tseo li se li tla hlahella le setsing moo, sehlopha sa ba

sheba qhephe la 23

Lebotho le Ikhethang...

li tsoa qhepheng la 22

nokolang ka kulo se neng se larile mehato e ka bang makholo a mabeli ho toha moahong oo sa qeta ka sengangele seo se neng se le ka holimo ho moaho e se re ho le tjee! eo a hlabela bao bo-mphato'a hae patsana. E boetse ke eona nako eo ho ileng hoa utloahala 'mino o lerata o neng o letsoa sebakeng seo e le mohato oa ho ebisa lingangele tseo litsebe; ba se utloe leha e se ekaba molumo oa liroala-nkhoana tseo feela.

Liroala-nkhoana tseo ile tsa tla li se li fofela faat'se ho fihlela li fihla li okamela marulelo a moaho oo, 'me litho tsa lebotho leo le ikhethang tsa re batha! hona ka holimo ka moo. Kapele-pele banna bao ba tsubella ka lithapo moahong oo o mekato-kato. Ka mokhoa o hlophisehileng ruri, ba it'sohlometsa ka hare le lifensetereng le



Sgt Maj LB Mall o hlalose tsa balebelli ka moo methathi ea pholoso ea ba koetsoeng e tla tsamaea ka teng.

ka ho phahlola mamati, 'me ba tsoemetsa lingangele tseo li sa ile le khongoana holimo ka hore liphelelo tsa bona li tla phakisa li phethahatsoe. Ho ile hoa loanao e mahlo-mafubelu ka har'a moaho oo, e le ua mpona; ka u bona ho ea le liphaposi tsa moaho oo. Ho se ho kae ha nto khutsa, ho'a thola tu!

Ha le le lihloohong tsa mengala, hora e le e leshome le metso e 'meli, mot'seare o moholo bohle ba neng ba koetsetsoe ba ile tsoa moahong oo tlaas'a t'sireletso e matla ea litho tsa lebotho leo le ikhethang la sesole sa Lesotho har'a litlatse tse thibang litsebe tsa balebelli ba t'soant'siso-boikoetliso boo ba ho lopolla ba koetsetsoeng. Seo ea e-ba sesupo se totobetseng sa hore boikoetliso ba bona bo boima bo hlahiselitse sesole sa Lesotho litholoana tse hlabosehang ruri.

"Re ile ra thulana le boikemelo bo thekeselang ba sera, empa ra atleha ho qeta ka bona ka potlako. T'sebetsong ena ho lemetse feela mohlomphehi a le mong. Ha e-shoa lingangele tse 'ne, tse tharo li hapiloe. Ho feta moo ke motlotlo ho bont'sa hore re bile le monyetla oa

ho beha thepa eo re e sebelisang tekong. Ka kakaretso re fihletse e le thepa ea boleng ha e se mona le mane feela", eo ke molaoli oa sehlopha sa tlaselo, Commando Capt Mokaloba ea neng a le motlotlo ha e le moo let'solo leo le tsoile matsoho joalo ka ntle ho likotsi le t'senyo ea thepa.

Molaoli oa sesole sa Lesotho, Lieutenant General Makhula Mosakeng o ile a tiisetse bohle ba neng ba ile ho lebella boikoetliso boo ba mohla monene ka hore, "Tabatabelo ea ka e ea phethahala joale. Empa tsena e sa le linyane; liholo li sa tla", ke eena eo ka pososelo.

"Ke kholisehile ruri hore ho se ho kae sesole sa Lesotho e tla be e le leng la

boikoetlisong boo, Commando Sergeant Hekenke Sebilo o boletse hore ha a na khoao ka bokhoni ba lebotho leo la habo. "Kea u tiisetse leha e-ba re se re ka iphumana re tobane le maemo a 'nete a ho tlisa ba lukang khotso tlaas'a taolo – re malala-laotsoe ho nt'sa mosebetsi matsoho. Ke kholisehile ke ho t'soarana ka matsoho hoa rona methating eohle ea boikoetliso bona", ke Commando Sergeant Sebilo eo.

"Joalokaha ke ile ka bolela pejana, litho tsa lebotho lena le ikhethang la sesole sa Lesotho li it'supile hore li fela li koetlisehile e le ka 'nete, 'me kajeno ba ne nkile karolo ho le leng la mat'solo a thata-thata la ho lopolla bat'soaruoa ba phapanyetsano e leng let'solo le boima haholo esita le ho mabotho a ikhethang a boemong bo holimo a machaba-chaba. Ruri ke motlotlo haholo ho u bolella ka tieo eohle hore ba sebelitse hantle boikoetlisong bona", ke Brig Singh eo.

O ile a tsoelapele ho hlalosa hore koetliso ea mabotho a t'sireletso ke t'sebetso e tsoelang pele ho ea ho ile. Potsong ea hore na lebotho leo le ikhethang na le feela le fihlela maemo a machaba na, moeletsi ho tsa t'sireletso o ile a re, "ho toha moo re qalileng teng ka lithupelo ho fihlela joale ho se ho khathiloe tema e kholo – ba se ba e-na le boiphihlelo bo boholo, empa joalokaha ke se ke boletse ha hona mohlang ho ka thoeng joale boikoetliso bo lekane, 'me re raha qheme. Maikutlo a ka a 'neha hore ba tla tsoelapele ho 'na ba ntlafala joalo ha nako e ntse e e-ea – se hlokalang feela ke hore ba 'ne ba be le boikoetliso ba kamehla eohle", ke eena eo.

Letona la Ts'ireletso, Mohlomphehi Tona-kholo Pakalitha Mosisili o ile a laea litho tsa lebotho leo le ikhethang ka thata ntlheng ea boits'oaro ts'ebetsong le hona ho ikoetlisa kamehla e le ho lula ba ntse ba le maemong a khotsofatsang a boiphihlelo ts'ebetsong ea bona e boima. "Ke ntlha ea bohlokoa hore thupelo ena e ikhethang hore e fuoe batho ba nang le botumo bo botle le mehlala e metle sechabeng – ke rata ho toboketsa ntlha eo. Ho seng joalo seo etlaba ho bolela hore re ntse re koetlisa likhukhuni.

"Ntlheng ea boits'oaro, litho tsa lebotho lena le ikhethang li lokela hoba tlaas'a taolo e phethahetseng ea bolaoli ba lebotho leo ka linako tsohle. E boetse ke ntlha ea bohlokoa hore ba be le boikarabelo bo phethahetseng mehatong eohle ea ts'ebetso ea bona," la ba laela joalo letona la ts'ireletso.

Ba bileng teng moo ponts'ong eo ebile matona a 'muso oa Motlotlehi, litho tsa ntle ea Senate, litho tsa matlo a boemeli Lesotho, liofisiriri tse ka sehloahong tsa sesole sa Lesotho le batho ba boithatelo bo botle.

Boipabolo ba ngoanana ea sebete oa lesole papaling ea taekwondo

Ka Pte Ndele Ntoi

“Khele, na efela nka ba molaoli oa sesole ‘na? E sa tla ke e be ua soasoa ka ‘nete. Ha ke lekanyetse le ha nyane feela ke fihlletse maemo a ka’ng ao – ke labalabela ho ba molaoli oa lebotho feela bonyane. Ke ka hona ke nkileng khato ea ho ntlafatsa thuto ea ka e le hore ke tle ke be mocheng oa hore kamoso ke tle ke fihlele maemo ao. Empa e seng hoba molaoli oa sesole bo!” ho rialo khalala ea papali ea taekwondo, Private Likeleli Alinah Thamae (23).

Likeleli ke ngoana oa boraro lapeng la ‘M’e Malikeleli Thamae oa Ha Leqele ka thokoana ho motse-moholo, Maseru. O hlahile ka la 4 Pherekhong, 1978. O ile a phethela lithuto tsa hae tsa mathomo sekolong sa Makoanyane, ‘me a nto fetela sekolong se phahameng sa Life, Maseru. “Ke ne ke e-na le tabatabelo ea hoba ngaka bokamosong ba ka empa ka lebaka la likhaello tsa lichelete ke ile ka qobelleha ho tsoa sekolong ke le lithutong tse mahareng feela”, ke Likeleli eo ka ho belaela ho hoholo.

Ha a ntse a hola-hola Likeleli o ne a atisa ho ea tola matamong a ho sesa a mane liahelong tsa sesole sa Lesotho tse Makoanyane ho ea ipholisa sehlang se sehlo sa lehlabula. “Ha re ne re le moo re ne re atisa ho utloa batho ba ntseng ba hoesetsa ka holong e pel’a moo, ba ntse ba re, ‘taekwondo, taekwondo! Kamehla ke ne ke labalabela ho tseba hore na ho etsahalang kamoo, ‘me ka hona ka letsatsi le leng ka kena ho ea ipont’ sa ka mahlo. Ha ke fihla ka hare, Pte Khotso Maanela eo e bileng mokoetlisi oa ka oa pele papaling ena ea taekwondo, o ile a nkhapella sehlopheng sa hae sa ba banyenyane seo a neng a ntse a se koetlisa moo”, ke eena eo ha a hopola moo a qalileng teng.

“Ntoa ea ka ea mathomo boemong ba

machaba ebile ka 1996 papaling ea setsoalle lipakeng tsa Swaziland le Lesotho. Ke ile ka loana boemong ba boima-mokherane, ‘me ka hlola mophephetsi oa ka ka lintlha. Ka nako



Pte Likeleli Thamae mpoli papaling ea taekwondo.

eo ke ne ke le boemong ba lebanta le leputsoa”, ke eena eo, a bobotheha ha a pheta tsa mohla a qalang ho tlotloa ka tlhlo papaling ena eo bahale ba it’supang bokhoni ho eona.

“Mohlang oo e ne e re ha ke kena ka lesakaneng har’a litlatse tse kholo tsa balebelli, ke ne be ke sa ikutloe hantle. Empa le teng ke ne ke sa t’soha mophephetsi oa ka, etsoe ke le motho ea sa t’sabeng ntho eo a sa e tsebeng. Ke ne ke ipotsa hore na ke tl’o bapala ka katleho na ha e le moo lekhetlong leo ke ne ke emetse naha”, ke Likeleli eo.

Moroetsana enoa ea sebetsang ka boitelo o ile a kenela sehlopha sa sesole sa Lesotho sa taekwondo ka 1996.

Mohato oo o ile oa t’soaea qaleho ea ho haola le mafat’sa moo Likeleli a ileng a thulanya thebe le likhalala tsa machaba papaling ea taekwondo. Ho litlholiso tseo a seng a ile a li kenela re ka qolla tsa mabotho a t’sireletso a linaha tsa machaba, Lipapali tsa Linaha tsohle tsa Afrika, Liolempiki le tse ling tse ngata.

Ka selemo sa pele a bilelitsoe sehlopheng sa naha sa taekwondo, Mollo, Likeleli o ile a ea kenela litlholiso tsa ba banyenyane, Barcelona, Spain ka 1996. O ile a nkhisetsana mahafi le seloani se mo hapileng maikutlo, moroetsana Mandy Melon oa linaha tse kopaneng tsa Amerika (USA) makhaola-khang. O ile a lahlehela ke ntoa eo, ‘me a ikhapela silifera.

Likeleli o hlalosa hore kamehla pele a kena lesakaneng o bitsa ho Molimo ntate ka thapelo. “Ha ke se ke le ka hare ke t’sepela litaelong le litemosong tsa mokoetlisi oa ka eo e leng eena ea balang ntoa. Ke boetse ke tsoha molota ha bat’shehetsi ba ka ba ntholetsatsi. Ke loana ka matla haholo ha ba bina”.

Sehlohlo sa katleho ea hae lipapaling ebile ha a ne a ikhapela khauta litlholiso tsa lefat’sa tsa sesole tsa taekwondo, Rome, Italy ka 1997. “Lesotho le ne le thulantsoe ka lotho le Geremane papaling e etellang pele ea makhaola-khang. Ke ile ka hlola papali eo ka lintlha. Papaling ea makhaola-khang ke ile ka nt’sana-bothaka le le-Korea. Ke ile ka hlola ka lintlha ka mora’o ho loana ka thata, ‘me ka hapela naha ea heso ea Lesotho khau ea khauta”.

O ile a ‘na a tsoelapele ho hapa likhau joalokaha ho bont’sitsoe lethathamong lena:

1996 – Khau ea khauta – Litlholiso tsa Linaha tsa Afrika, Afrika Boroa.

1996 – Khau ea silifera – Litlholiso tsa

Boipabolo ba ngoanana...

li tsoa qhepheng la 24

tsoa Machaba tsa Taekwondo, Barcelona, Spain.

1997 – Khauta – Litlholisanong tsa Lefaat'se tsa Sesole, Rome, Italy.

1997 – Boront'se – Mohopeng oa Lefaat'se oa Taekwondo, Cairo, Egypt.

1998 – Khauta – Lipapaling tsa Linaha tsa Afrika, Nairobi, Kenya.

1999 – Khauta – Lipapaling ts Linaha tsa Afrika, Afrika Boroa.

2001 – Silifera – Litlholisanong tsa Lefaat'se tsa Taekwondo, Netherlands.

2001 – Boront'se – Mohopeng oa Lefaat'se

ba ile ba re khothatsa leha ho le joalo”.

Likeleli o sa tsoa behoa tekong e matla-matla ha a ne a loana litlholisanong tsa mohope oa lefat'se mane naheng ea Kore a selemong sena tlaas'a maemo a belaetsang ho latela kamoo moifo oa baahloli le molaola-ntoa ba neng ba nkile lehlakore ka teng ntoeng eo a neng a thulane le mo-Gerike. “U tlameha ho hlola ntoa ena ka ho kakalatsa mophephetsi oa hau; ho seng joalo u tla u hlola ka lintlha”, mokoetlisi oa hae,

khaotsa ho bapala ha ba le lilemo li 26 banna bona tse 32. Ke moetlo oa taekwondo”, ke eena eo, a bile a eketsa ka hore baroetsana ba se ke ba nyahamisoa ‘moko ke lipolelo tsa lefeela tse reng ha ba ikoetlisa ka matla ba tla qetella ba hloka thari.

“Esita le basali ba hlhelletseng ka mahetla papaling ea mabelo a mokoka moo ho haoloang le masaba-saba a lithota; ba na le bana bao e leng ba bona ka kotloloho – ka hona ha ke fumane lebaka la ho sitisa baroetsana ho it'supa bokhoni ka lipolelo tsena tsa mafeela-feela. 2004 ke ena, sehlopha sa naha se



*Ho tloha ka ho le letona ho ea ho le letšehali
Likeleli o bont'sa maqiti le litsebo tseo a li sebelisang ho tlišetsa Lesotho tlholo.*

oa Taekwondo, Vietnam.

O lahlehetsoe ke lintoa tse 'ne (4) feela ho fihlela joale.

Se bohloko seo a kileng a tobana le sona paleng ea papali ena ea taekwondo ebile ha Mollo e ne e hloloa mekhahlelong eohle litlholisanong tsa Mohope oa Lefaat'se mane Germane ka 1998. “Ke ile ka hloloa ka lintlha tse 9 ho tse 8. Ke ne ke labalabela hore eka ba bang ba sehlopha sa heso ba ka hlola baphephetsi ba bona e le ho re buseletsa boitumelo ba rona. Ho mpang ho le bohloko ke hore litlholisanong tsa papali ena ea taekwondo ha motho a lahleheloa ke ntoa e-ba ho se ho felile ke lehlohonolo. Mokoetlisi oa rona Ntate Lee, Motsamaisi oa sehlopha, Colonel Mohanoef Lefosa le ofisiri ea sehlopha, Monghali Nkesi Letsie

Monghali Lee o ne a ile a mo loma tsebe joalo pele a simolla ka ntoa.

Likeleli o ile a e hlanaka senna, empa a hloloa ntoeng eo ka lintlha – 10 ho tse 9. Leha ho le joalo se makatsang ebile hore ha ntoa e fihla pheletsong let'soele la balebelli le ile la tla la mo kopa ho nka lit'soant'so le eena joalokaha eka ebile eena mohloli. Bao bohle ba ne ba le ntsoe-leng ho nyatsa kamoo ntoa e ileng ea laoloa ka leeme ka teng.

Ka har'a mathata ana le likatleho tse fihletsoeng, Likeleli o ikemiselitse ho loana ho fihlela a le lilemo tse 30. “Ka tloaelo basali ba

hloka baroetsana ba bacha ba nang le bokhoni ho ea re buseletsa boitumelo ba sehlopha sa rona sa naha”.

Likeleli o hlalosa hore a ka thabela ho kena morerong oa lenyalo le mohlankana oa boikhethelo ba hae, empa, che bo! e seng lesole. “Ha nako eo e fihla ke tla thabela ho arolelana bophelo le motho e mong ea bonang litaba ka leihlo le leng, e seng joaloka 'na ea ka hare ho sesole. Leha ho le joalo haajoale ke sa tla shebana le ho nt'setsa lithuto tsa ka pele”, a rialo a bile a bobotha.

Ha a se mosebetsing o thahasella ho bala, haholo-holo ka litaba tse amang basali. Ho feta mona, o rata ho shebella lit'soant'so haholo. ■

Naha ea Lesotho e boemong bo hlobaetsang ba lefu la mokakallane oa setla-bocha.

Ka Ingo Seifert

Tlaleho ea pele ea boteng ba lefu la mokakallane oa setla-bocha Lesotho e fihlile ka selemo sa 1986 ka t'soatso e seng sekhahla haholo ka lilemo tse leshome tse fetileng ho fihlela ka 1996. Ka nako ena eo tlaleho e neng e fihla mona Lesotho, bochabela ho Afrika le ne le se le fietse metse le kholo ea moruo ka ho harasoanya letlobo le lecha la sechaba e leng moo moruo o tsetsoeng teng. Mekutu le mehato ea thibelo ea seoa sena sa mokakallane oa setla-bocha ka mekhatlo ka ho fapana ka lefat'se lohle e thusitse le ho theola sekhahla sa t'soatso ea kokoana hloko ena ka ho khetholoha naheng ea Uganda.

Esale hoba ho qhome seoa sena sa mokakallane oa setla-bocha mona Lesotho re ile ra ea le khongoana holimo ka nako e telele hore rona re ke ke ra t'soaroa ke lefu lena, e boile sekoele ka matla a maholo joale ka ho amoha metsoalle le bang ka rona maphelo a lilemong tse tlaase haholo.

Tokomane ea mora'o-ra'o ka lekala la bophelo le boiketlo ba sechaba e bont'sa lipalo-palo tsa t'soatso tsa lefu lena e phahame hoo re fihletseng moo bophelo bo leng bobeha haholo le ho feta pele. Ka selemo sa 1998 t'soatso ho ba baholo e ne ka hakanyetsoa ho lipheresente tse robong feeloane robeli (9.8%) ha ka selemo se hlahlamang seo (1999) e nyolohetse ho lipheresente tse mashome a mabeli le metso e t'seletseng feeloane 'ne (26.4%).

Lipalo-palo tsa selemo sa 2000 li supa ha t'soatso ea lefu la mokakallane oa setla-bocha e phahame haholo ka selemo seo. Karolo ea bo-'m'e ba neng ba tsamaea litlhatlhobo tsa lingaka sepeteleng sa Mofumahali Elizabeth II Maseru li supa hore lipheresente tse 42.2% li na le t'soatso. Lipalo-palo li



Mong. Ingo Seifert Mookameli oa Positive Action Lesotho.

supa ha bakhachane e le bona ba etsang liketso tsa motabo ka matla-matla, haholo t'soatso e kholo e bonahala bathong ba lilemo li lipakeng tsa 20 le 40.

Liteko tsa ho nyebekolla lefu lena li 'nile tsa etsoa le ho bakuli ba mafu a mang a thobalano sepeteleng seo sa Mofumahali Elizabeth II, liphuputso li supa ha karolo e kaalo ka lipheresente tse 65% ea bakuli ba mafu ao e-na le t'soatso. E tsoelapele ho bont'sa hore ho bakuli ba bararo, ba babeli ba na le t'soatso ea kokoana-hloko ena. Mafu a likobo a sa isoeng kalafong a fana ka menyetla ho kokoana-hloko ena ho phunyeletsa le methapo ea mali a motho ea joalo. Re tlameha hore re etse bonnete ba hore re bone ngaka hang-hang ha re utloa bohloko nakong eo re nt'sang metsi kapa ha re bona a mang a mat'soao a latelang; liso tse hlahang likarolong tsa litho tsa bona kapa bot'sehali le ho lutla lero le tsoang lithong tseo tsa 'mele.

Ha se sekhobo ho bolella lingaka ka mathata a mofuta o joalo le mat'soao a ka bonahalang, lingaka le baoki ba moo molemong oa rona ho re thusa le hore ba ikutloe ba le motlotlo ka t'sebetso ea bona. T'sebeliso ea likhohlopo e thibela t'soatso ea mafu a thobalano le kokoana-hloko ea lefu lena le bokhachane bo sa reoang.


Liphuputso tse tsoang litsing tsa ANTE Natale ka hare ho naha li bonahala li le boemong bo tlaase papisong le boemo ba Maseru, joaloka Mafeteng lipheresente tse 18.9%, Leribe ka 26.03%, Quthing 22.81%, Maluti 19.04% le Mokhotlong 12.29%.

Liphuputso tse entsoeng malebana le mafu a thobalano li supa kakaretso ea 50% Lesotho.

Liphuputso tsa mora'o-ra'o tjena li kanna tsa supa hore naha ea Lesotho e se e fetile ea Botswana eo e neng e le ka holimo lipalo-palong tsa t'soatso ea lefu lena la mokakallane oa setla-bocha ka bophara ba lefat'se. Lipalo-palo tsa naha ea Botswana ha li ea fumaneha nakong re eang khatisonng.

Ka mora'o ho ketekelo ea letsatsi la lefat'se la lefu la mokakallane oa setla-bocha le kokoana-hloko ea lona ka la 1 T'sitoe, 2001, kaofela re tlameha ho nka mehato e nepahetseng toant'song le thibelong ea ho ata hoa lefu lena. Ho seng joalo re tla ba sechaba se amohiloeng letlobo le lecha, chabana sa kamoso le ho tjameloa ke bofuma bo ke keng ba fela, hape hona ho tla re nka lilemo ho ka iphumana re khutletse boemong ba bophelo boo re bo phelang ha ha joale.

Bakeng sa lintlha ka botebo kopana le rona ba Mokhatlo oa Toant'so ea lefu lena ka kotloloho, 'Positive Action' marang-rang a khokahano – www.positiveaction.org.



Dr
'Molotsi Monyamane

Gout

Gout ke lefu la manonyeletso le bakoang ke Uric acid ha e lula manonyeletsong. Sena se baka bohloko le ho ruruha hoa lenonyeletso le amehileng.

Gout e ngata ho banna le basali ba seng ba sa bone phetoho.

Mokoli o lla ka tse latelang:

- bohloko ba t'sohanyetso
- borurusi ba lenonyeletso
- bofubelu le ho benya ha letlalo le ka holim'a lenonyeletso.

Tsena tsohle li etsahala haholo bosiu kapa ha ho bata, haholo manonyeletsong a maoto. Haholoholo monoaneng o motona oa leoto.

Uric acid:

- ke majoana a tsoalong ke ho siloa ha "li cell" tsa 'mele boholo ba likhoerekhoere tsena li hlatsoa liphieo. Ka hoo lintho tse bakang boima ho liphieo joaloka:
- liphieo tse sa sebetseng
- ho eketseha ha likhoerekhoere 'meleng.
- litlhare tse setisang liphieo ho qhala likhoerekhoere tsena

Keketseho ea likhoerekhoere lijong.

- ho ja nama e khubelu,

likahare, biri, wine e khubelu.

Keketseho ea likhoerekhoere 'meleng.

- cancer ea mali "leikaemia"
- litlhare tse loantsang mofet'se 'chemollurapy'

Ho fokotseha ha t'sebetso hoa liphieo

- Liphieo tse kulang
- litlhare tse sebelisoang hypertension joaloka thiazide diuretics (HCTZ)
- ho lapa haholo
- ho noa joala haholo
- 70% ea gout e fumaneha manonyeletsong a maoto, mangoele, maqaqailana le litsoe empa manonyeletso ohle a 'mele a ka ameha.

Lipatlisiso

- Ho hlahloba mokuli
- Ho etsa X-ray ea manonyeletso
- Ho hula lero la lenonyeletso ho sheba likhoere-khoere
- Ho nka mali ho sheba

uric acid.

Kalafo.

- Indomethacin (indocid) 50mg hane ka letsatsi kamorao ho lijo ho fihlela bohloko bo felile.
- Allopurinol 300mg bosiu ha bohloko bo se bo le sieo hobane ha u noa bohloko bo le teng lia bo bakeletsa.
- Colchicine ha e sa le kalafo ea pele hobane li baka let'sollo.

Litholoana tsa gout

- ho baka arthritis ka ho senya manonyeletso.
- majoana a masoeu (tophi) a hlaha tlasa letlalo litsebeng, litsung le liretheng ha gout e tsoara motho khafetsa 'me uric acid e sa theohe maling.

Thibelo

- bakuli ba eletsoa hofokotsa, lijo tseo ho siloa hoa tsona ho bakang likhoere-khoere tsa uric acid.
- likahare
- nama e khubelu
- joala - beer
 - red wine
 - pot



2/Lt 'Mole Kumalo

Ke li bona tjena

Ha ele mona selemo sa 2001 se felile, ha re hetleng tse ling tsa liketsahalo selemong seo.

Selemong se fetileng maikutlo aka a ile a it'setleha holima maphelo a sechaba lefaats'eng ka kakaretso, haholo-holo linaheng tse ntseng li hola. Ke bile le maikutlo a hore ke tokelo ea 'muso le sechaba ka kakaretso ho nka karolo phelisong ea mathata ana ao linaha li tobaneng le oona.

Ke batla ho hlakisa hore ha ke setsibi litabeng tsa meralo, empa nka re meralo e nepahetseng eka susumetsa tsoelopele ea naha.

Maikutlo a ka tabeng ena a it'setlehile masetlalibeteng a bonoang baneng.

Ha ke le amele hanyane feela, ke motlotlo ho le tsebisa hore sesole sa Lesotho se ile sa nyakallisa sechaba ka ho t'soara mohoanto o simollotseng liahelong tsa sesole Makoanyane ho ea Ha Ratjomose. Tsena li etsahetse letsatsing la ho qetela la selemo se feteling (31-12-01).

Qetellong ea leeto lena bana ba balloang ho 250 ka mafapha a bona ho kenyelletsa bana ba phelang literateng tsa Maseru ba ile ba phomosoetsoa ka lino-mapholi. Hang hoba ho qetoe, bana ba ile ba nkuoa ka lipalangoang tsa sesole ho khutlisetsoa libakeng tseo ba phelang ho tsona.

Ho hlokomeleha palo e phahameng ea bana ba hlokang, ekaba likhutsana tse bakiloeng ke mokakallane-

...empa mokhatlo ofe kapa ofe re sa qhelele ka thoko mosebetsi oa oona oa mantlha o lebeletsoe ho nka karolo bothateng bona bo tobileng bana ba rona.

o a - s e t l a - b o c h a (AIDS) kapa bohloki ba ka lapeng bo hakanyetsoang liphoresenteng tse mashome a supileng naheng ea Lesotho.

Ha se feela boikarabello ba 'Muso kapa mekhatlo e ikemetseng e lokelang ho nka karolo bothateng bona, empa mokhatlo ofe kapa ofe re sa qhelele ka thoko mosebetsi oa oona oa mantlha o lebeletsoe ho nka karolo bothateng bona bo tobileng bana ba rona.

Ke tokelo ea motho e mong

le e mong ho nka karolo tlhokomelong ea bana bana. Lebaka ke hore bana ke moloko oa kamoso oa naha ea rona, kantle ho bona Lesotho le ka ba sieo. Ka lebaka lena khato e lokela ho nkoa ka mokhoa o hlakileng. Eleng hore setsi ka seng se be le mokhoa o tlang ho lateloa.

Ke ka ho etsa letsoho la monna maima a teng a tlang ho ripitloa ka nqa tsohle. Nako e fihlile ea hore mekhatlo e khaotse ho tsamaea ka mocha o lebileng nqa e le 'ngoe, empa e namalatse ho leka ho phahamisa moo bothata bo leng teng. Ena ke eona ntlhakholo e susumelelitseng sesole sa Lesotho ho nka karolo meralong e amanang le sechaba joaloka, khaho ea marokho ekasitana le meaho eo ho thusetsoang bakuli ho eona haholo-holo libakeng tse hole le lit'sebeletso.

Ha ke khutlela khubung ea taba, ke utloela bohloko bana ba fumanehang literateng le ba sa itekanelang likelellong. Ka hona ho hloka hore re etse ho hong. Ha re susumeletseng litsi tse ling ho etsa joalo. Joaloka ha re se re boletse, etla ba ka boikitlaetso ba rona re ka hlolang mathata ana.

Ho se ho fetohile tloaelo hore bana ba hlekefatsoe letsatsi le chabang le le likelang, malapeng, empa tthekefetso e kholo, ke ho khotsa feela re it'soere thekeng, kapa re kentse matsoho ka liphokothong. ■



Pte Matheanzima
Taneso

Ka leihlo le nchocho: Kokobetsa letsoalo la sechaba malebana le sesole sa Lesotho.

Batho ba bang ba na le ho se utloisisi ka boteng ba mabotho a hlometseng le mosebetsi oa ona ka hara naha. Boiphihlelo ke e 'ngoe ea lintho tse phelang ka hare ho sesole eleng e 'ngoe ea lintho tseo ba bang ba sa li utloising ka lebaka la ho se ele hloko le ho se tsotelle.

Ke rata ho fana mona le ho arolelana tsebo le batho ba boithatelo bo botle ka boteng le mosebetsi ea mabotho a hlometseng Lesotho (LDF). Ke t'sepa hore hona e tla ba thuso e khoho ho baahi le bakhafi ba lekhetho ba naha ena, ho sebelisa monyetla oa ho tseba hantle ka boteng le mosebetsi ea mabotho a hlometseng.

Boteng ba mabotho a hlometseng bo simollotse linakong tsa khale tsa lifaqane moo ho neng ho atleha feela ho phela bo-Kholeata. Ho ea tsebahala lefaats'e ka bophara hore nakong ea lintoa basebelisi ba sehlekehleke se itseng ba ne ba loana ea khumamela ho hlola sera ho ikhapela sona.

Mosebetsi oa sesole sa Lesotho oa mantlha ke ho sireletsa boleng ba naha le Basotho, ekasitana le thepa ea bona khahlanong le litlhaselo ho tsoa ka ntle ho naha le ka hara naha. Sesole sa Lesotho se nkile mojaro ona ho bona hore khotso le botsitso li teng Lesotho.

Batho ba bangata ho ka tla maikutlong a bona hore ha ho na litlhaselo tse ka tlang naha ea Lesotho haholo joaloka ha e le sehlekehleke feela ka hare ho Africa Boroa. Empa le ha hole joalo, ha ke le hlokomelise le ho le hopotsa hore, hoba sieo hoa litlhaselo tse tsoang ka ntle ho naha, ha ho tiisi boteng ba khotso, ha re nahaneng ka tsa nako e tlang re se ke ra it'soarellang feela ka tse etsahalang ha ha joale hobane lefaats'e ke lebili.

Emeng ea mosebetsi ea sesole sa Lesotho ke ho ts'ireletsa molao le taolo ka hara naha se tlatane le sepolesa sa Lesotho, ho t'sireletsa litsi tsa lits'ebeletso tsa sechaba. Sesole sa Lesotho se boetse se ikakhetse ka setotsoana ho bona hore sechaba sa Basotho se phela hantle ka ho kena mat'solong a ntlafatso ea bophelo joaloka mat'solong a ho ruta ka lefu la mokakallane oa setla bocha (AIDS), ho nka karolo kentelong ea lefu la komello ea litho tlasa tataiso ea sepetelele sa sesole, khaho ea marokho le litsi tsa kokelo ka hare ho naha. Hara tse ling sesole sa Lesotho se bapala karolo ea bohlokoa ho pholosa sechaba sa Basotho ka maloting nakong ea koluo ea lehloa.

Ha ke oele khubung ea

maikutlo aka, ekaba bohla hore sechaba sa Basotho re falimeheng le hona ho ikamahanya le mosebetsi ea sesole sa rona ea letsatsi le letsatsi, kaholimo ho tsohle se ts'ehetseng. Ha le bona masole a lona a tsoile ka mosebetsi ho potoloha le naha ea Lesotho, e bang motlotlo 'me le phuthulohe ke boteng ba bona hara lona. Basotho!, ha re t'soaraneng ka matsoho le sesole sa Lesotho ho bona hore khotso le botsitso li teng molemong oa tsoelo-pele ea naha ena, 'me re kholeng litholoana tse molemo tse behoang ke eona.

Boiphihlelo ka hara sesole hase letho empa ke ho tseba hantle mosebetsi, kapa leano la sesole, ho ipapisitsoe le ho tseba ka ts'ebetso ea sesole boemong ba machaba le ho tseba ka katamelo ea sechaba litabeng tsa sesole.

Ke tsoelo-pele e khoho eo sesole sa Lesotho se e fihletseng ka ho khakola le hona ho kenya pampiri ea Mara ts'ebetsong, eo eleng eona e sebetsang ele letsoho le letona ho bonts'a mosebetsi ea sesole ea letsatsi le letsatsi. Hona ho tla thusa ho tlosa ho se utloisisi hoa batho ka boteng ba sesole le hona ho hlaola le ho nt'sa meea e lit'sila eo qetellong ea letsatsi e ka kenellang ka hare ho sesole ele ho nyopisa leano la sesole la t'sireletso ea naha ea Lesotho. ■

Tseba hore u lesole le nang le boiphihlelo

(Ke nts'etso-pele ho tloha khatisong e fetileng)

Ha ho se utloane ho eba teng ho bao u ba okametseng, kena lipakeng, se sekame, lokisa litaba tseo le bona, tseba hore mahlo a bona a shebile hore o ahlole ka toka.

Ba kenye moea oa boit'sepo, se ke oa ba motlotlo hore o ba hula nthau, hopola ho boloka boit'soaro ba sesole, joaloka lesole le nang le boiphihlelo.

Tseba hore u lesole le nang le boiphihlelo

Ha u tsoha hoseng, se ke oa nahana ka liketsahalo tsa letsatsi leo ka botebo, eba malala-a-laotsoe ho etsa eng kapa eng e hlahang. Ka holim'a tsohle, ntsa moea o mobe o ka bang teng kelellong ea hao. Eba malala-a-laotsoe ho mamela litaello tsa letsatsi leo. Ha re beng mohau le ho llela khotso le botsitso naheng ea rona.

Tseba hore o lesole le nang le boiphihlelo

It'setlehe ka Molao oa Motheo oa naha ena ele ho hopotsa ka mosebetsi oa hao oa mantlha. Tseba hantle ka molao o tsamaisang Sesole 'Act No. 4' hobane ke sebetsa sa hao leetong lena, ho atlehisa morero oa molaoli oa mabotho. Se ke oa etsa mosebetsi ho khahliso motho ea itseng, empa etsa hoo e leng mosebetsi feela ho phethahatsa morero le sepheo sa sesole.

Tseba hore u lesole le nang le boiphihlelo

Ha re tla mabaleng a lipolotiki, tseba hore lipolotiki ke seo re se phelang. Hopola feela melaoana le boit'soaro ba sesole ka ho khetholoha katamelo ea sona lipolotiking. Se ke oa letsa t'sepe, kapa hona ho ba phala ea morena. Hona ho ka pepesa boleng ba hao, hoa etsa hore katamelo e be bobebe, ka t'sepo ea ho khola tse molemo ho uena le hona ho phethisa merero e fapakaneng, e ka qetellang e sentse seriti sa sesole.

Tseba hore u lesole le nang le boiphihlelo.

Ka Pte Matheanzima Taneso

E tla tsoela-pele khatisong e tlang.

Thoholetso

Ha re emeng kaofela
Ke bolela hore kaofela
Re tlameha ho ema ka maoto
Re hoeletse mantsoe a thoholetso

Kaofela ha rona ha re thoholetseng
Thoholetso ho selemo sa 2001 thoholetso
Maikutlo a ne a le matle
Le boholong ba LDF minong oa liphala

Ho entsoe ntho e kholo
Motsamaisi oa liphatlatlatso a phetha taelo
Mara ea thakholoa ho ea sechabeng
Ka lebaka la bohlae ba motho

Batho ba kantle le ba kahare
Lesotho la qala ho tseba
Ba tseba ka liketsehalo tsa sesole tseo ba neng
ba sa litsebe

Ke nako,
Ke nako ea hore
Ha e hole LL Productions,
LL Productions Media Consultancy
(mothusi boeletsing)
E ents'e mosebetsi o motle
Le sesole se ents'e ka tsela e ts'oanang
Motsamaisi oa PAO le eena o kene lekokong
Ba etsa banna ba likoakoariri

Majoe a ke keng pshoatleha
Ke letolo kapa ka lerole
Ka baka la boikarabello ba bona

Karolo e kholo e bapetsoe
Ke Quadrant Computers
Ka mokhoa o ts'oanang le
Lesotho Business service
Ho isoe hlompho

E kaba sehlabi
Ha nkeng ka bua ka
Success Training Center
Ho ne ho le thata ho banna ba thata
Ho hlalohanya hard le soft ware
Empa tsebo le bohlae
Li bile bohlokoa ho bona.

Re ka lebala joang batsoalle ba rona
Kantle le kahare ho Lesotho ka lebaka la
tlatletso Eo ba e entseng
Le bona ba batla ho tlotsoa.

Pte E Mphaki (Naheng ea Jeremane).



MASERU BUSINESS ACADEMY

The Business College with a Difference

Become a Success!

Study any of the following courses either on a full time or part-time for the award of Certificates and Diploma

- | | |
|------------------------|--------------------------|
| ■ CIS-Business Manager | ■ Information Technology |
| ■ Accounting | ■ Computer Studies |
| ■ Banking | ■ Marketing |
| ■ Business Studies | ■ Public Relations |

Registration for 2002 academic year in progress

For further information and free prospectus contact us at:
Carlton Centre
(2nd Floor)
Kingsway Road Maseru
Tel: 321843

Professional bodies: CIS, IAC, IBS, C.A.T., IMM, S.A.I.B, ICESA, SPRA



will take you where you
want to be

Get your business
seen and heard.

It pays to advertise with
MARA

For further information,
please contact us at

Tel: 32 5294

Fax: 31 0351



MARA

Advertising Rates

Effective from February, 2002

Display Advertising

M 5.00 per column centimetre (one column wide by one column centimetre deep)

One quarter page (A4 size) =	M 300.00 1st insertion
One half page (A4 size) =	M 600.00 1st insertion
Three quarter page (A4 size) =	M 800.00 1st insertion
Full page (A4 size) =	M 1200.00 1st insertion

Loose insertion advertisements

M 600.00 per insertion

Discounts

A frequency discounts of 5% will be granted for the second insertion of the same advert in the following issue. A flat discount rate of 15% will be granted for any advert inserted in three or more consecutive issues.

Commission

A standard 16.5% commission will be paid to a recognised Advertising Agency handling the insertion of display advertisements.

Personal Information Advertising

M1 .00 per word minimum of six words.

Subscriptions

ENQUIRIES:

Tel: +266 32 5294 Fax: +266 310 351
Postal Address: P. O. Box 1346, Maseru 100, Lesotho

SUBSCRIPTIONS RATES

	3 Issues	6 Issues
Schools	M 7.00	M 15.00
Lesotho	M 8.00	M 16.00
South Africa	M 10.00	M 17.00
Southern Africa	M 12.00	M 20.00

Please send me copies of Mara (tick the appropriate box)

3 Issues

6 Issues

I enclosed a (cheque/cash/money order) of M _____
Full address both physical and postal:

Physical

Postal

_____	_____
_____	_____
_____	_____

N.B. when ordering, verify your organisation by office stamp.

MARA comes out only every two months.



Starlight Tuition Centre

P. O. Box 406 Maseru Tel: (266) 323846

2002

DEDICATION, EXCELLENCE AND PROGRESS

Registration in progress

ABSTAIN FROM SEX, THE BEST SOLUTION

REMEDIAL CLASSES

Starlight Tuition Center is a leader institution when it comes to remedial education. It has devised a system programmed:

- To give enjoyment in learning
- To enable students learn with confidence
- To prepare students for tertiary education

DAY AND EVENING LESSONS will be available to would be **JC, COSC, A-LEVEL and STD 10** candidates.

Subjects on offer: Maths, English Language, English Literature, Sesotho, Biology, Human and Social Biology, Principles of Accounts, Commerce, Development Studies, Business Education, Chemistry, Physics, Computer Studies and French.

DON'T CONDOMISE, MORALISE

S T C office is situated at Ashcor building opposite Lesotho Workcamps

TEL: (+266) 323843

SUPA TYRE



For all your tyres services.

Supa auto clinic, for all mechanical and auto electric repairs, supa panel beaters for all panel beatings and spray painting works.


63 Kingsway at Caltex garage Tel/Fax (266)327187
Cell: (266) 852312 /8781522.

P.O Box 1140 Maseru 100 Lesotho.

These AIDS Ribbons are available from POSITIVE ACTION



M 5.00



M 12.50



M 25.00

at Options Building, Pioneer Road Maseru Tel.: 8850069

Mohlophisi

Ke qholistoe mona ke khatiso ea Loetse 2001 Volume 01 issue N0.3, moo ke hlokometseng hore Lesotho le tla nka karolo kapa hona ho itukisetsa boikoetliso ba poloko ea khotso khaitsele ea mothei oa rona Basotho.

Khopolong ea ka e nepahetseng e tla be e se khetlo la pele, lebotho la mofuta o joalo le le teng ka sesoleng sa Lesotho. Le ha ho lejoalo, ke ha feela Lesotho le eena le khotso, ke ha feela banna le basali ba tlang ho nka karolo mosebetsing ona ba utloisisa hore na khotso ke eng, 'me boikoetliso bona bo ntseng bo etsahala ke motheo oa kutloisiso ena eo ke buang ka eona.

Mangolo ho Mohlophisi

Moboloki oa khotso ha a lebella feela hore motho e mong o phela ka khotso, o lokela ho etsa mohlala a be le maikemisetso a ho phela ka khotso ena eo a tla beng a lebeletse motho e mong ho phela ka eona. Taba ena ke e nka e le phephetso e khoho ho sesole le naha ea Lesotho.

Ts'ebeliso 'moho ena e bonahalang e tla ba teng

linaheng tsa Afrika ke sona seikokotlelo katlehong le botsitsong ba Afrika, 'me motho o lokela ho ikotla sefuba ha le uena naha ea heno e nka karolo. Ha ke hloke ho pheta melemo eo naha ka bongoe e tlang ho e una ts'ebeliso

'moho ena ka ho ba karolo ea mosebetsi ona o babatsehang (feela o hlohang mamello le boits'oaro, molemong oa motho ka bo eena le naha ea habo).

Ke lakaletsa bohle ke hona ba tla nka karolo mosebetsing ona katleho le mahlohonolo. Ha ho tsoelopele le boithuto bo fetang bona.

Likhomo Basotho

Ka J B Matobo
(Naheng ea Jeremane)

Mohlomphehi

Basali ba tetekeang ba hana ho qosa banna ba bona.

Ke mobali oa Mara, ke ikutloa ke tlameha ho akhela molangoana sehloohong sena. 'Manthekeng Phoka le monna oa hae Temeki Phoka nakong eo a neng a sebetsa, mosali oa hae a neng a sa re letho, joale mosali o felile u qala a bonts'a ha monna a etsa lintho-ntho. Ke hore ke lelapa le bohlasoa.

"Baahisani ha ba tetekoa ho emelloa thoko" haeba re haisane. Hape ha ke re ho nepahetse hore banna ba teteke basali ba bona, ke re Basotho ba batle, ha re eeng setsong, monna a khallengoe ke banna, mosali a isoe lengopeng ke basali ba bang, ke hona ha re ka

fenyang tse ngata-ngata tse bonahalang li e ja setsi ho Basotho, ha re tloheleng ho supana ka menoana, re be malapa a kopaneng.

Hape-hape ha re tlohelleng ho it'soant'sa le linaha tse ling hobane meetlo ha e ts'oane. Afrika Boroa ke naha eo malapa a qhalanang nako le nako. O bona basali ba senang banna, o bona bana ba senang manngoe, ke hore mahlabisa lihlong! Ho ea qosana.

Bona Batswana, ba re molao o teng o ba lumellang ho nyala ho feta bobeli ba basali, ke hona hore motho e mong le e mong o etsa maikutlo a pelo ea hae ka nako eo a e batlang. O ka bona hape ha

ba re (banna) ba nyala, ba chata ba le lilemo li (40) ho ea holimo ese hobane ele mosali oa mantlha. Zimbabwe tsa teng ha ke li nepe hantle.

Ke ea lumela le 'na hore ke na le batsoali le lelapa moo mosali oa ka aka qosang teng eseng ho mang kapa mang le haele sepoleseng. Hape-hape ke ts'aba ha re ka mathisana makhotla le mosali oa ka hoba lipoho ha li le peli ka sakeng li keke tsa robala hantle le hore li loane e ngoe e hlole, e etlole lesaka ho ea batla tjako.

Litaba tsena li tsoa khatisona ea boraro ea Mara

Ke ea leboha Mohlomphehi

S Lesako
(Bafokeng North Mine)
Rustenburg - R S A.

ITUMELENG CAPENTRY

Do you want Furniture professionally built?
This is for Basotho benefit.

MR UPHOLSTERY MANUFACTURE



VISIT US: Next to Makhetha Enterprises Lekhaloaneng. Phone
(09266) 862298. P.O Box 15154. Maseru 100

FOR ALL YOUR: living & dinning chairs, luxury seats
(coaches and sofa) Fitted units, kitchen units and ordinary wordrobes.

We also specialise in: car seat covers and covering repairs,
furniture repairs and upholstery. Covering and paintings.
Come and see us our variety in upholstery: Our terms are easy
and understandable.

Remember your discount of 10% every month end.

Get AN INTERNATIONAL QUALIFICATION IN INFORMATION TECHNOLOGY.

Are you planning on getting into the University or
Technikon?

You need this certificate.
(International Computer Driving License)

DO YOU WANT TO UPGRADE YOURSELF ?

Do you need a computer certificate to
back up your knowledge?

Do you want to get a job, you need this.

Get to:

Bethel Computer &
Information Technology College.
5th Floor Block B, L.N.D.C.
Development House
Kingsway Road Maseru
Tel: 311016, 8855882, 8862226

Or
Sisters of The Holy
Names Peka
ST Rose convent,
Peka
Tel: 550320

OTHERCOURSES

Certificate in Computer (6months)
Diploma in Computer (12 months)
2-week courses in Applications
MS-Word
Ms-Excel
PowerPoint
MS-Access
Internet

Specialised Courses for Companies & Organizations.



FREE COMPUTER STUDY

REGISTER FOR
C.O.S.C.

AND ENJOY
FREE COMPUTER STUDY

at

MBA REMEDIAL

2nd Floor, Carlton Centre
Kingsway Road, Maseru
Tel: 321843

Registration in progress

Khoeli ea Lerat

Selemo le selemo, ho na le matsatsi a mangata a ts'oueng, ao ka ona ho ketekeloang lintho tsa mefuta-futa kantle le kahare ho naha.

Matsatsi a kang a keresemese, paseka, boipuso, matsasti a tsoalo, ke mehlala feela ea matsatsi ao ke buang ka oona. Matsatsi ana a khethehileng ha a fihla, motho o phakisa ho a bona ka lintho tse ngata tse akhang lithophiso, ho fana le hona ho amohela limpho, ho rapela ho feta ka matsatsi a mang, le tse ling tse ngata.

Khoeling ena ea Hlakola, ho ts'oailoe letsatsi la la 14 Hlakola le letsatsi la baratani. Leha ho ts'oailoe letsatsi lena feela, 'na ke lakatsa hore ke hle ke re khoeli ena, ke khoeli ea lerato. Ke le Mosotho ea ratang lintho tse ntle, ke lakatsa ho nka monyetla ona hore ke fane ka maikutlo a ka holim'a letsatsi kapa khoeli ena.

Boholo ba nako, 'na le bo-mphatho a ka ofising ea Basali le Molao, re bua ka litaba tse bohloko joaloka tsa tlhekefetso ea basali le bana, haholo bana ba banana. Khoeling ena, ke utloa ke rata hore ke fetole maoa, ke bue ka tse monate, feela ke ntse ke li amanya le tse bohloko tse seng li fetohile tsa kamehla.

Ka khoeli ea baratani, u ka bona lintho tse ntle, tse khahlang mahlo, tse eeng li etse hore ke utloe ke lakatsa eka nka khutlela bocheng. Ha u feta lifensetereng tsa mabenkele ka ho fapana, mahlo a hao a khahloa ke lintho tsa mefuta-futa tse kenyeletsang



Ka Nthomeng Majara ('Ma-molao Ofising ea Basali le Molao)

limpho, likarete tsa litakaletso tse monate, liaparo tse thabisang leihlo la 'mohi, hammoho le mekhabiso e metle, 'me tsena kaofela li entsoe ka mebala e metle, e khanyang, haholo o mofubelu le o mosoeu.

Batho ba ne ba tsoile lipelo ka tsatsi lena la la 14 Hlakola. Hohle moo u bonang baratani ka ho fapana, ho tloha ka ba banyenyane ho isa ho ba baholo, ekaba matlong a lijo, litseleng, kapa kahare ho makoloi, joale u ka shebella lintho tse ntle. U tla bona feela lebososelo le mefuthu lipakeng tsa bona, ha ba buisana ba atamelane ka lihlooho, ekare hoja ba lefatse'ng le leng lesele, e seng lena leo re phelang ho lona, mantsoe a lefats'e a sa phahama joaloka kamehla, ee ruri e le lintho tse thabisang.

Basotho ba heso, a re ke re ikemisetseng he ke hona hore selemong sena, ha re na ho ketekela feela letsatsi la la 14, empa re tla ikitlaetsa hore khoeli ea Hlakola kaofela ha eona, re e fetole ea lerato. Ha e ke e re sebakeng sa hore re fumane litlaleho tse bohloko tse tloaelehileng tsa litlhekefetso ka mefuta eohle ea tsona, re ke re utloe, 'me re bone lintho tse thabisang pakeng tsa baratani bohle Lesotho mona.

Litaba tsena re se ke ra nka e le tse loketseng bacha feela, empa e be tsa batho bohle ho tloha ho ba banyenyane ho fihlela ho maqheku a rona. Ha re ka ra etsa joalo, lerato lena le ka namela ho bana ba rona, bana babo rona, batsoali, metsoalle, baahisane, basebetsi 'moho, ekasita le batho bao re ba fang lits'ebeletso ka ho fapana.

Sena re se etse e le hore re tle re bone hore na litholoana tsa sona ha e na ho ba sechaba se thabileng, se phuthulotseng lifahleho, 'me se khahlang lichaba tse ling. Ha re ka ra atleha ho etsa joalo, ke lumela hore ho nts'etsa taba ena pele ekasitana le likhoeling tsohle tsa selemo, ekaba sa feela.


Boholo le matla a lerato li tekiloe ka bokhabane ho Ba- Korenti Khaolo ea 13: 1 – 8.

**Lerato, palesa e ntle
Lerato, sekopanya balichaba
Sekopanya mofu le morena,
morui le mofutsana
Lerato sethabisa bacha le
baholo
Mofenyi oa mathata ohle
U hole, u khokhobe !!!!**

Cartoons


Ka:
WO11 M. P. Sekoboto

SE QABOTSENG BA HIRI TLHAHLOBONG EA KHIRO MAKOANYANE



CAPTAIN

Ke Ne Ke Ntsetsa Pele Lipotso Tsa Khiro Sesoleng Ho Fumana Bashanyana Ba Matla. Ba Shahlileng Hape Ba Ratang Ho Kena L.D.F. Moo Ke Emetseng E Mong Oa Bashanyana Ho Kena, Ke Bone Ntho E Ts'osang Ka Libopeo E Eme Ka Pele Ho 'Na, E Le Khuts'oanyane Nthoane Ka Hlokomela Hore Ke Thokolosi Monna Emo Khuts'oane. **NA KEA LORA?** Ele Ho Netefatsa Hore Hase Toro Ka Iphumula Mahlo Hore Ke Shebe Hantle.




PASCALIS

Ke shahiile le uena oa mpona

THOKOLOSI

Monghali! Lebitso 'Na Ke Pasacanca (A Lekisa Hore Pascalis) Ke Kopa Hore Manghali U Nkenyeletse Sehlopheng Sa Ba Bacha Ho Ea Koetlisong. Le 'Na Ke Kopa Ho Ts'oara Letsopa La Kappa(E Leng Sethunya).



Likhohlopho

CAPTAIN

Ka Kholiseha Hore Ntho Ena E Mpoisang E Kapele Ho 'Na Ke Thokolosi. Ka Etsa Qeto Ele Hore Ke Se Khopisi Pono Eo E Ts'abehang. Qeto Ea Eba Hore A Hle A Lekangoe Seaparo Sa Sesole Ho Mokhotsafatsa Hore A Ke Ke A Lokeloa Ke Mosebetsi O Joalo. Uniformo Ea Molatola Hampe, Ele Saese Tse Kholo Li Hohoba Fatse Koana.

THOKOLOSI

(KE BOHLOKO BA PELO LE HO NYAHAMA)

Eleng Hore Ke Lokela Ho Khutlela Mesebetsing E Ntenneng E Mebe Mebe Ea Liketso Tsa Lithoriso Baneng Ba Bang. Leso! (Jesu) Ke Bo Mali-Mabe Bo Bokakang

HOA MAKATSA NA E KARE MOTHO A TLA TEKONG EA BA O TLA LE THOTOHALI.

Qaboha

Monna e mong oa Mosotho ea sa kang a hahlameloa ke tsoelo-pele hohang o kile a re siea re maketse. Lebitso la hae ke Nko-mpe. O na sebetsa Impala No. 10.

Ene e le labohlano la mafelo a khoeli mots'eare oa mantsiboea ha a kena levenkeleng le neng le bitsoa Maseru Café pele maseru e ba thotobolo. Sepheo e ne ele ho reka lijo tsa ho jeloja motsamaong.

"A ku mphe pupuoele eno e mormeng morohonyana ausi" ke eena eo. Ha morkisi a tsieleha a sa utloe, a sa bone se batloang, ke ha Nko-mpe a supa a ba a sisinya bohajoana bo bitsoang begger pela hae mona. A qetella ka ho batla senoa-mapholi.

"Mphe le cos cola eno" "Ntate linoa mapholi ke tsane sehatsetsing se morao..." A mo kena hanong ka bohale, "Ke ntse ke bona ntho eo ke e batlang, ke eno", o rialo a supa ka molamu bottolona ea vinigar ena e nt'so ka holima lehella la kharebe ena. Morekisi a qeaa-qeaa a leka ho hlalosa Nko-Mpe a mo kharuma ka bohale a sa mo natse. "Hei uena, ha u hana u tlohele, oa nkutloa?" Ea tlhahanela kharebe ho khotsafatsa nt'so ena eso.

Sa tsoa se koabala sehoai se khoahetse mosaqa oa hae ka lehafing. Ha ale mabapi le festere ea bobeli ea lebenkele le neng le bitsoa Furn City, a hlephola sehlethela sa bohobe a felehetsa ka senoa-mapholi. Ao! Ao! Lijo tsa notlela metsu, moea oa hana ho tsoa ka linko le molomo, a tona mahlo, a honyela, a qetella ka ho qhoeloa. A khutla, likhapha joale a bela ke khalefo. "Ke ile ka u bona ha u ntse u tsila tsila tjena hore ntho tse na tsa hao li senyehile". Nka!

Masole a poloko ea khotso Tanzania

Ka Pte Ntele Ntoi

Lebotho la poloko ea khotso la sesole sa Lesotho (LDF) le thohile Lesotho ho ea Tanzania ka la 8 Hlakola, 2002 ho ea nka karolo lats'olong la boikoetliso ho tsa poloko ea khotso le bitsoang Ex-Tanzanite tlaas'a botataisi ba Machaba a Kopaneng.

Ha a lakaletsa lebotho leo la banna ba



Lebotho la poloko ea khotso la LDF boemafofane ba Moshoeshoe 1 moo ba neng ba ilo kena sefofaneng ho ea Tanzania. Setšontšo ka:- Pte S Mokhoru

35 tsoela-ts'oeu mane lebaleng la lifofane la machaba, Moshoeshoe I, molaoli oa sesole Lieutenant General Makhula Mosakeng o ile a ba laela ho ts'oarana ka matsoho le mabotho a linaha tse ling methating eohle ea boikoetliso boo.

“Ho fapana le mehlang ea pele, kajeno mabotho a linaha tsa lefats'e a ipopile ngatana-'ngoe, 'me le lona le karolo ea lebotho leo le leholo. Ha e sa ka mehlang eane ha naha ka 'ngoe e ne e its'ehla thajana litabeng tsa koetliso ea mabotho a sesole. Masole a France ke ana ka sefofane sa sesole sa habo bona ho tla le nkela mane Tanzania moo le ea ikoetlisa 'moho le mabotho a linaha tse ling ho tsa mat'solo a poloko ea khotso lefats'eng. Le koetlisitsoe, 'me ke tlahetsoe hore kaofela le tseba seo le il'o se etsa moo Tanzania. Tsela-ts'oeu banna ba heso, sentle ke ho boea le lithebe le marungoana,” ke molaoli eo.

Molaoli oa sehlopha sa bafofisi ba

sefofane sa sesole sa moeng sa France, Captain Eric Le Bras o ile a hlalosa hore ho'a thabisa ho bona linaha tsa Afrika li ikakhetse ka setotsoana mats'olong a poloko ea khotso. “Lets'olo lena la poloko ea khotso – Ex-Tanzanite le ts'ehelitsoe ka lichelete ke 'muso oa France ka kopanelo le linaha tsa

Litho tse tharo tsa lebotho la poloko ea khotso la sesole sa Lesotho, ka ho qoholleha Private Thoola, Liteboho Phaila le Mosuo e Mofomobe ba ile ba hlalosa hore ba motlotlo haele mona ba ea ho emela Lesotho moo Tanzania. “Ha rea ka ra nka karolo boikoetlisong ba poloko ea khotso mane Zimbabwe le Afrika Boroa ka tatellano lilengoaneng tse sa tsoa feta, re thabile haholo haele mona kajeno le rona re le karolo ea emela Lesotho mane Tanzania boikoetlisong bona,” ke bona bao.

Linaha tsohle tsa Khokahanyo ea Moruo Afrika e ka boroa ho balelloa Kenya le Madagascar li il'o iketsa khokahanyan'a phiri boikoetlisong bona. “Har'a tse ling Lesotho le filoe boikarabelo ho tsa khokahano methating eohle ea boikoetliso bona. Re entse litlhophisio tsohle, 'me re malala-a-laotsoe ho ea phetha boikarabelo boo ba rona ka bokhabane bo boholo,” molaoli oa lebotho leo la poloko ea khotso, Major Lephoto a ts'episa joalo.

Ba bileng teng ho lakaletsa lebotho leo tsela-ts'oeu ebile balaoli ba ka sehloohong ba sesole sa Lesotho, litho



Molaoli oa sesole sa Lesotho Lt Gen Mosakeng (bohareng) 'moho le balaoli ba baholo ba neng ba ile ho ea lakaletsa lebotho la poloko ea khotso tsela-ts'oeu. Setšontšo ka:- WO II M. Petje

lets'olo la bohlokoa la boikoetliso ba sesole ho tsa poloko ea khotso ho linaha tsohle tse eang ho nka karolo ho kenyeletsa Lesotho le Afrika eohle,” ho rialo Capt Le Bras.

tsa sehlopha sa bokoetlisi sa sesole sa India, liofisiri tsa Lekala la tsa Kantle le batho ba boithatelo bo botle. Lebotho leo le lebeletsoe ho khutlela hae ka la 25 Tlhakubele, 2002.

LDF Lipapaling tsa bompoli ba Afrika



Ka Pte Sakeng
Lekola

E se e le
m a k h e t l o
sehlopha sa
papali ea bolo ea maoto
sa LDF se emela
Lesotho lipapaling tsa
machaba. E se khale ha

se emela Lesotho lipapaling tseo lilemo
tse tharo ka tlhahlamano ho toha 1998
ho isa 2000.

Ka 1998 "Ts'epo ea Sechaba", e leng
lebitso le tloaelehileng la sehlopha sa
sesole, e ile ea bapala khahlanong le
sehlopha sa Mbabane Swallows ea
Swaziland mohopeng oa bompoli ba
Africa (ACL). Sehlopha sa LDF se ile sa
shashara Mbabane Swallows 4-0.
Lihlopha tseo li ile tsa khekheha ka ha
ho letho leotong la bobeli lebaleng la
Setsoto 'me LDF ea atleha ho fetela
mokhahlelong oa bobeli.

Mokhahlelong oa bobeli LDF e ile ea
khekeha le Manning Rangers ea Af-
rica Borwa (RSA) ka 3-3 lebaleng la
Setsoto. LDF e ile ea hloka lehlohonolo
hobane Manning Rangers e ile ea e
tlabola 2-1 Durban ka hona LDF ea
lebalala ka ACL.

Le ha ele mona LDF e sa ka ea atleha ha
e ka ba ea lahla ts'epo hobane e ile ea
emela Lesotho hape ka 1999 mohopeng
ona oa bompoli ba Africa. Lekhetlong
lena e ne e qabantsoe le Notwane ea
Botswana. Leotong la pele li ile tsa
khekeha ka 1-1 Botswana. Leotong
la bobeli LDF ea shapa Notwane 2-0
'me ea lokela ho fetela mokhahlelong
oa bobeli.

Mokhahlelong oa bobeli LDF e ile ea
shebana le Dynamos ea Zimbabwe.
Dynamos e ile ea shashara LDF 3-0
lebaleng la Setsoto 'me LDF ea boela ea
hlolola ho fetela mokhahlelong oa
boraro.

Motho e mong le emong ha lebella
horer masole a lahle ts'epo boemong
bo fe kapa bofe. Sehlopha sa sesole ha
se ka ba sa lahla ts'epo, se ile sa emela
naha hape ka selemo sa 2000.
Lekhetlong lena se ile sa tobana le
Madagascar.

Bobeli li ile tsa khekheha ka ha ho
letho Madagascar. Leotong la bobeli
Ts'epo ea Sechaba e ile ea mamola
Madagascar 5-4 lipeneleng (penalties
shoot outs). LDF joale e ile ea fetela



*Sethiba-thibane sa Mokgolitshane Fighters se bonoa mona se thiba a mang a matolo
a betsoang ke mohlaba-lintlha oa LDF FC Majara "Oa Moreneng motho" Masupha.
LDF e ile ea hlola 1-0. Setsoants'o ka:- Tiny Sefuthi*

mokhahlelong oa bobeli moo teng e
ileng ea kopana le Mamelodi
Sundowns ea RSA.

Sundowns e ile ea robokella LDF ka 2-
1, Pretoria (RSA). Sundowns ea boela
ea nyolla lintlha tsa eona ha e robokella
hape LDF ka 4-1 lebaleng la Setsoto.

Batho ba bangata ba ipotsa hore na
hobaneng ha LDF e emetseng Lesotho
lilemo tse kolokaneng tse tharo e
hlolola mokhahlelong o mong le o
mong oa bobeli.

'Mapala pele oa sehlopha Thapelo

Molefi, ea bapalletseng sehlopha seo hon
tloha 1993, o boints'itse ha lihlopha tsa
mose li na le tsebo e pharalletseng ho
ferta LDF. O bonts'itse hore boholo ba
lihloppha tsa mose li na le libapali tse
hlahang linaheng tse fapaneng ka hona li
na le mekhoha e fapaneng ea 'mapalo.
"Rona hae mona re libapali tsa Lesotho
kofela, 'me re bapala 'mapalo o
tso'anang," Molefi oa hlalosa.

Ka lehlakoreng le leng mokoetlisi oa
sehlopha Cpl Kolisang "Telephone"

Seutloali o re ba lahlehetsoe ke lipapali
tsa machaba hobane be ne be li bapala
nakong eo lipapali tsa Lesotho li
khefulitseng. "Ha a joale re shebane le
ntho tse peli eleng papali tsa machaba le
tse hae mona, 'me re tla hlola habane ho
re thusa ho matlafatsa boemo ba rona,"
o rialo mokoetlisi.

Sehlopha sa LDF se boitse se emetse
Lesotho lipapaling tsa ACL kamorao ho
ho ikhapela bompoli ba Lesotho.
Baphepetsi ba pele e ile ea ba
Mogoditshane Fighters ea Botswana.
Leoto la pele le ile la bapalloa Botswana

LDF lipapaling...

li tsoa qhepheng la 38

ka la 2 Hlakola 2002. Leotong leo la pele LDF e ile ea mamola Mogoditshane 1-0. Ntlha e kene ka leoto la Thulo Ranchobe karolong ea pele ea papali.

Leoto la bobeli le ile la ts'oareloa lebaleng la Setsoto ka la 17-02-02 moo sehlopha sa LDF se ileng sa boela sa hlola Mogoditshane ka kakaretso ea lintlha tsa 2-1 'me sa fetela mokhahlelong oa bobeli. Papali e felile ka

oa ha ho letho le Wits University 'me sa halala Welkom Tigers ka 1-0. Lipapali tse na li bapalletsoe RSA.

Ka lebaka la hore LDF FC mosebetsi oa eona ke papali ea bolo, batho ba bangata ba re e tlamehile ho tsamaea bolacha lipapaling tsa machaba empa Seutloali o na le maikutlo a fapaneng. "Re ntse re le boemong bo tso'anang le lihlopha tsa mose, ho tsoa feela hore na sehlopha se

Nyatso o bonts'itse hore LDF e bapala hantle ha ele mose. "Ba bapalla ho khahlisa metsoalle, batsoali le bomphato ba bona lipapaling ha ba bapalla hae mona 'me ba lebale ka sepheo e leng ho hlola," o rialo.

Ho ea ka Nyatso LDF e hloka bo-'mapala pele ba bang ba bararo ho tlatselisa ba teng. "Ho tla etsahala eng ha baa ba ba teng ba ka lemala," o botsa.



Balатели ba LDFFC ba bonoa ba thabile ka mora ho pshatla Mogoditshane Fighters 1-0 ea Botswana Gaborone ka la 2 Hlakola, 2002. Setšoantšo ka:- Tiny Sefuthi

lintlha tsa 'ngoe-ho ngoe (1-1).

Sehlopha sa sesole sa lekhatheng la ho bapala le TP Mazembe ea Democratic Republic of Congo (DRC) ka la 10-03-02. Papali e tla tso'areloa DRC. "Hore re tle re hlole TP Mazembe ke tla tlameha ho fetola 'mapalo oo ke o bapatseng le Mogoditsane," ho rialo mokoetlisi oa sehlopha.

Mokoetlisi oa sehlopha o bonts'itse ha LDF e tobane le mathata a lipapali tse tsoileng likotsi joaloka Lire Phiri, Tsika Seele le Seth Lephoto.

E le boitokisetso LDF e ile ea bapala lipapali tsa setsoalle le lihlopha tsa RSA tse akhang Basotho Young Tigers, Wits University le Welkom Tigers.

Sehlopha sa sesole se ile sa shapa Basotho Young Tigers 1-0, sa bapala mokhekhetso

tla ba matla 'me se hlole ke se fe," o rialo.

'Mapala pele oa sehlopha sa baphatlalatsi ba ikemetseng Lesotho "Ha-u-cha-u-cheche", Nyatso Tso'eunyane o re LDF e tlamehile e tsebe haholo ka mophephetsi oa eona nako e sa le teng. "Ho tlamehile hore ho be le khatiso ea 'mapalo oa baphephetsi, 'me LDF e tla ba le maqiti a ho hlola 'mapalo o joalo," o rialo Nyatso.

O ekelitse ka hore ho be le komiti e sebetsanang le mathata a sebapali ka ngoe. "Ha se likotsi feela tse ka thefulang 'mapalo, le mathata a malapa kapa a moruo a ka thefula 'mapalo," o rialo.

Mots'ehetsi oa sehlopha Potlako Letsoela o ipilelitse ho sechaba ho ts'ehetsa sehlopha lipapaling tsa machaba. "Ha ba emele LDF ba emela naha ea Lesotho," o rialo.

Letsoela o hlalositse hore boholo ba bats'ehetsi ba LDF ke batho bao e seng litho tsa LDF. O tsoetse pele ho ipiletsa ho ba baholo ba LDF FC ho se tso'are bats'ehetsi bao

joaloka masole. "Masole a fuoa litaelo, haeba seo se etsoa le ho ba ts'ehetsi ba rona re tla lahleloa ke bots'ehetsi," o rialo.

Letsoela o hlalositse hore kopano ea Lire Phiri, Thulo Ranchobe le Majara Masupha moleng o ka pele e tla etsa hore sehlopha se hlole. Lekhetlong lena re ilo fihlela mokhahlelong oa bobeli (mini league) oa mohope oa ACL, sehlopha sa LDF se matla ho lekana hore se shape TP Mazembe ea Democratic Republic of Congo (DRC) le Orlando Pirates ea RSA 'me re fetele mokhahlelong oa bobeli," ho rialo Letsoela ka boitumelo.

Ha joale sehlopha se na le libapali tse 24; Lithibathibane tse 4, bo 'mapala morao ba 8, bo 'mapala pele ba 3 le bo-'mapala hare ba 9. ■

